

کلام محمد بخش

پیشہ وی پر لادری
جی ٹی روڈ دیہ

پیشہ وی پر لادری



www.muslimbook.org



www.mindandbody.org



إِنَّ مِنَ الشَّعْرِ لِحِكْمَةٍ

کلام محمد ^{رحمۃ اللہ علیہ}

حضرت میرزا محمد بخش

چوہدری ابراہیم
بک سیلرز سٹیشنرز

جی۔ ٹی۔ روڈ۔ دینہ۔ جہلم

نام کتاب _____ کلام محمد بخش

مؤلف _____ حضرت میاں محمد بخش

با اہتمام _____ چوہدری محمد یعقوب

ناشر _____ چوہدری برادرزہ یک سیر سلیشرز

تعداد _____ جی ٹی روڈ - دینہ - جہلم
۲۰۰۰

قیمت _____ ۳۹ روپے

لنن سٹار پرنٹرز

مطبع



ابتدائیہ

صوفی بزرگ شاعر | حضرت میاں محمد بخشؒ نے پنجابی شاعری کی اس روایت کو بزرگ قرار دیا کہ شاہ حسینؒ، بلتھے شاہؒ اور دوسرے صوفی بزرگ شاعروں نے قائم کی تھی۔ آپؒ کا کلام آج بھی بڑے شوق اور ذوق سے سُنا جاتا ہے۔

پیدائش | حضرت میاں محمد بخشؒ ۱۲۴۶ھ، ۱۸۳۶ء میں خانقاہ کھڑی شریف ریاست میرپور میں پیدا ہوئے۔ آپ کے والد کا نام حضرت میاں شمس الدینؒ تھا۔ آپ کا حسب و نسب تقریباً چوتھی پشت سے حضرت پیر پیرا شاہ غازی قلندر دہلوی والارضی اللہ تعالیٰ عنہ سے جا ملتا ہے۔

ابتدائی تعلیم | آپؒ نے ابتدائی تعلیم اپنے بڑے بھائی حضرت میاں بہاول بخشؒ کے ساتھ اکھٹے ہی سموال شریف میں حافظ محمد علی صاحبؒ کے مدرسہ میں حاصل کی۔ یہاں آپؒ نظم و نثر، حدیث، فقہ، منطق، اصول جامع میں کامل ہوئے۔

بیعت کے لیے التجا | آپؒ نے ایک رات جہنمئے بیعت میں حضرت سرکار دہلوی والا کی خدمت میں عرض کی۔ جس پر

آپؐ کو ارشاد فرمایا کہ اے فرزندِ سلسلہِ عالمیہ قادریہ میں حضرت جناب سائیں غلام محمد صاحبؒ کلمہ طری شریف والوں کے ہاتھ پر بیعت کر لو۔ اس طرح آپؐ نے حضرت جناب سائیں غلام محمد صاحبؒ کے ہاتھ پر بیعت کر لی۔

آپؐ کی تصانیف (۱) تحفہ میراں کراماتِ نوحۃ الاعظم (۲) تحفہ رسولیہ معجزات جناب سرور کائنات (۳) ہدایت المسلمین (۴) گلزارِ فقر (۵) نیرنگِ عشق (۶) سخی خواصِ خاں (۷) مرزا صاحبان (۸) سخی حرقی سستی پنوں (۹) سخی حرقی ہیرا پنچھا (۱۰) تذکرہ مقیمی (۱۱) قصہ سوہنی مہینوال (۱۲) شاہ منصور (۱۳) شیریں فرہاد (۱۴) سیف الملوک (۱۵) قصہ شیخ صغیان۔ اس کے علاوہ بھی آپؐ کی بہت سی کتابیں ہیں جو کہ نایاب ہو چکی ہیں۔ آپؐ جیب بھی کسی کو کوئی تحریر فرماتے تو اس میں زیادہ تر اشعارِ شاعرانہ ہوتے۔ آپؐ کو فارسی، اردو، پنجابی اور عربی نظم و نثر پر عبور حاصل تھا۔

وصال آپؐ ماہ ذوالحجہ ۱۳۲۴ھ، ۱۹۰۷ء کو اپنے مالکِ حقیقی سے جا ملے۔ آپؐ کا ارشاد تھا کہ مجھے وہ شخص غسل دے جس نے ساری عمر غیرِ محرم کی طرف آنکھ اٹھا کر نہ دیکھا ہو۔ اس خدمت کے لیے حافظِ مطیع اللہ صاحبؒ سموال شریف والوں نے اپنے آپؐ کو پیش کیا۔ ویسے تو آپؐ کا عرس چار مختلف مقامات پر ہوتا ہے لیکن آپؐ کا مزارِ کھڑی شریف کے قریب پُر نور میں حضرت پیر شاہ غازی قلندر بادشاہ کے قریب واقع ہے۔ ہزار ہا زائرین آپؐ کے مزار پر بڑے ذوق و شوق سے حاضری دیتے ہیں۔ اور عقیدت کے پھول پنچا د کرتے ہیں۔





ابتدائی نامہ

اول حمد ثنا، الہی جو مالک ہر ہر دا
اس دا نام چتارت والا ہر میدان نہ ہر دا
کام تمام میسر ہوندے نام اودھا چیت دھریاں
رحمیں سکے سادے کردا قہروں ساڑے ہریاں



قدرت تھیں جس بانے بنائے جگ سنسار تمامی
رنگ بزرگی بوٹے لائے کچھ خاصہ کچھ عامی
ایس عجائب یانے اندر آدم دا رکھ لایا
معرفت دامیوہ دے کے واہ پھلدا بر بنایا



کن اودھی نوں کوئی نہ پھتا عاقل بالغ داناں
درد جس دے سر سجدے سکے لوح قلم آسماناں

حکم اودے بن کھ نہ ہلدا، اود قدرت دا والی
جیّا جوں تگاہ اودے وچ ہر پتر ہر ڈالی



آپ مکالوں خالی، اس یقیں کوئی مکان نہ خالی
ہر دیے، ہر چیز تھم، رکھدا رنت سفیالی
ستے تاریں ہک پتر اند جوڑ کوئی وچہ جوڑے
علم اودے وچ کھ نہ بھلا سب معلم بن لوڑے



بادشہاں یقیں بھیک منگاو، تخت بہاؤ گھا ہی
کچھ پرواہ نہیں گھر اُسدے، دائم بے پروا ہی
ہم ہیکم رہن فرشتے، کس طاقت دم مارے
دُر اُسدے تے عاجز ہو کے ڈھیلے بزرگ سارے



ہر ڈھٹے نوں ہتھے دیندا بختہاں ر خطائیں
دیتوں سخن زبانوں اند ر سخاں وچہ صفائیاں

ہر در توں در کارن ہوتا جو اُس در مھتیں مڑیا
اُسے دُا اُس شان دہایا جو اُس پا سے اڑیا



لطف کہیندا کہم کنندہ ہر دے کام سنوارے
سب خلقت دارا کھا او ہو بھید بچھانے سارے
ہر عاجز پر رحمت کہدا، کہے قبول دُعائیں
بن منگے لکھ دان دوائے محرم دلدا سائیں



وٹے دیوچہ لعل نکاندا، جانن قیمت پاندے
ساوی تشا توئی بچھ نکالے، گل پھل رنگ رنگا دے
سپیاں اندر موتی کہدا، رکھ کے قطرہ پانی
شکماں وچوں باہر آوے صورت بی بی رانی



کتاں باہجوں سُستے والا تنگدا ہے بن نیناں
باہجہ زبان کلام کہیندا، تاں اس بھائی بھیناں

رحمت دامنہ پا خدایا باغ سُکا کہ ہریا
بُٹا اُس امید مری دا کہ دے میوے بھریا



مٹھا میوہ بخش ایہہ قدرت دی گھت شیریں
جو کھا دے روگ اُسا جا دے دور ہو دے دلگیری
بال چراغ عشق دامنہ را، روشن کر دے سیناں
دل دے دیوے دی روشنائی جا دے وچہ زمیتاں



لاہ ہنیرا جہل بُرے دا، چائن لا عقل دا
بخش ولایت شعر سخن دی نہیں ہے وچہ دل دا
اول دیہ دل جس وچہ ہوون سچے سخن خزانے
لعل جواہر کدھ کدھ دیوے، قوت بخش زبانے



سخن مرے دی شکروں ہوون مسکھ مٹہ قلم دے
شعر مرے دے عطروں کاغذ لاوے خال رقم دے

مُر مر اک بناون شیشہ ماروٹا اک بھن دے
 دُنیا اُتے تھوڑے ہندے قدر شناس سخن دے



کہ گئے اُوہ یار پیارے قدر شناس ہمارے
 سخن صراف محمد بخشا لعل دے و سجارے
 یاراں باہجہ شراب سخن دا وزن تے کد جیوسی
 سُچا میلا کڈھ محمد، جو پیوسی سو پیوسی



در نعت سید المرسلینؐ



واہ کریم اُمّتِ دِا دالی مہر شفاعت کردا
 جبرئیل جیہے جس چاکر، ندیاں دِا سر کردا
 اُوہ محبوب حبیبِ ربّاناں، حامی روزِ حشر دِا
 آپِ یتیم، یتیمیاں تائیں سچّہ سرے پر دھردا
 بجے لکھو ایں عطرِ کلابود دھویئے نِتِ زباناں !
 نامِ انہاں دے لائقِ ناپس کی قلمے دِا کاناں
 صدرِ نشین دیوانِ حشر دِا افسر و سپہِ راماناں
 کلّ نبی محتاجِ انہاندے نفراں وانگِ علاماں
 تختِ چہارے شاہی کبتے ڈھٹھے کفر منارے !
 چھیک دتے قرآنِ اودھانے، اگلے دقتر سارے
 نورِ محمد روشن آہا آدمِ جدوں نہ آیا
 اولِ آخر، دوئے پاسے، اودھو کلّ کملو یا
 حُسنِ باندارا اودھنو یوسفِ برّے ہوان و کاندے
 ذوالقرنین سلیمان جیہے خدمتِ گار کہا ندے
 موسیٰ، خضرِ نقیبِ انہاندے اگے یحییٰ راہی
 اودھ سلطانِ محمد دالی، مُرسلِ ہور سپاہی

در بیان معراج



آئی رات مبارک والی بھاگ اساڑے جاگے
 بچناں تے خوش مُشکلاں کُھلایاں دشمن سرسبھاگ
 آسماناں پر تارے روشن شمع چراغ یگانے
 سِکدیاں یاراں نوں آپو ہتے سِکّاں دے پروانے
 لوحِ قلم آسماناں زِرمیاں دوزخِ جہنم تائیں !
 کُرسی عرشِ معلّٰی دیکھیں، سیر کریں سب جائیں
 ہویا سوار ہراتے اُتے اُوہ سلطانِ عرب دا
 چائی واگِ محبت والی، طُریا راہِ طلب دا
 تنے سہ کیتے سبھ سحران، منگل کاون کھلیاں
 اُج بھجاں دا لاڑا آیا، کل کل رکھیو گلیاں
 نعتِ درود، صلوٰۃِ سلاموں، پھٹیاں جھلن قطاراں
 صلی علیہ وسلم کہندے نبی نقیب پکاراں
 پھوڑ آسماناں، زِرمیاں تائیں سرور گیا اگیرے
 جتھے وحی نہیں وِجھ سکدا، ہٹ بیٹھا کر ڈیرے
 جانی نال ملے دل جانی، وتھ نہ رہی تیرے فرّہ !
 جلعت، تحفے، ہدیے لے کے آئے پھیر منفّرہ


اوگتہار طفیل تساڈے اسیں بہشتیں جانیے !
 رحمت اُتے کتا ہر داپاک جنابوں پانیے
 تہیتوں قوت بخشہی مولا سبھ خلقت بخشاویں
 ہوندے زور سوال نہ موڑیں بنی کیم کہاویں
 دوست دشمن، چنگا منداجے کوئی ہو و سوا لی
 کد کریمیاں دے در اُتوں مڑا وے ہتھ خالی
 کیتی بے فرمانی تیری مھلا پھر کوس راہوں
 نام اللہ دے بخش بے ادبی، ناں کہ پکڑ گناہاں
 آل اولاد تیری دامتگتا، میں کنگال نہ یانی !
 پاؤ نیجر محمد تائیں، صدقہ شاہ جیلانیؒ



در مدح حضرت غوث الاعظم حیلانی



واہ و امیراں شاہ شہاں دا سید دوہیں جہاتی
 غوث الاعظم، پیراں دا ہے محبوب ربانی
 آل نبی، اولاد علی دی، سیرت نسل انہاں دی
 نام لیاں لکھ پا پ نہ رہندے میل اندر دی جان دی
 لکھیں خیر تساڑے لبندے بن منگے بن لوڑے !
 دواں دُنی سبھو ہتھ تیرے کوئی نہ ٹھاکے ہوڑے
 میں پاپی تشرمندہ جھوٹھا بھریا نال گناہاں
 ہکو آس تساڑے دردی نال کوئی ہو رہا اپناہاں
 میں آتہاں تے تلکں رستہ کیونکر رہے سنبھالا
 دھکے دیوں والے بھتے، توں ہتھ پکڑن والا



در مدح حضرت میراں محمد مقیم حجرہ



حضرت میراں شاہ میقان تیرا شان زیادہ
 سوہنا سخی جد سے گھر جایا علی امیر شہزادہ
 عالم تے روشنائی ہوئی چڑھیا چن نورانی
 حسنی سید پیدا ہويا، صورت یوسف تانی
 طوطے یوسف خرے بولن دھن مقیم محمد!
 گودی دیکھ کھڑے جس نوں بنی کریم محمد
 آل نبی، اولاد علیؑ دی، واہ سید گیلانی
 دستگیر جنہاں دا دادا، کون تنہاں داثانی
 کتے جو درگاہ اُہدی دے، شیراں اوپر بھارے
 پیراں دے ہر پیر محمد واہ وا پیر ہمارے
 دھڑی والا لعل نساڈا جس وی ہے منظوری
 پاک جناب اوتہاندی اندر مینوں کرو حضوری



مدح حضرت پیر شاہ غازیؒ



بِسْمِ اللّٰهِ بِسْمِ اللّٰهِ اَکُوں مَدَح مَبَارک آئی !
 ہادی مُرشد دی جس دُولے چاے کوٹ توائی
 مُسلم ہندو، کوئی نہ نابریوک سب لوکائی
 داتا سخی محمد بخشا دِن دِن دیگ سوائی
 عاجز نردھن اسدے درتے لکھ نعمت کھاندے
 ہک دمڑی داتھ لے کے دیتا دان لکھاندے
 اِس درے سگ عادی کولوں شیر بُر بھوکہ دا
 آگے چڑھے نہ چڑی اُوہدی دے، بازی شکار ڈر دا
 سیک لگے جدیوک تائیں نرت سُنے فریاداں
 پہنچے کر تاکید محمد پان مرید مُراداں
 پیر مرے دی دھوم چو فیرے آون ولی سلامی
 چمّتن خاک کر بندے خدمت، دعوئے رکھ علامی
 جنت تِشان مکان متور روپ ڈھلے ہر پراسے
 دُر اُس دے نرت نویں سوالی پاون اُس نراسے
 آوتریاں نوں پتر دیندا وچھڑے یار ملاوے
 دُر اُس دے دی خاک مَن تھیں کوڑھ فرنگ اٹھ جاوے

اُڑے جہاز لگاوے جتے، ہر مشکل حل کر دے
 لڑ لگے دی شرم تہانوں پاک شہید امر دا
 جس پر تیرا سایہ پیرا اوگن دے گن اُس دے
 جانی دشمن دوست بنا دے جو دکھی سو مُسدے



در مدح حضرت پیر غلام محمد



آقلے منہ لاسیا ہی چم زمین نورانی
 رت کالی پھنکا انگلیاں بھین دانک بخوندے پانی
 مُرد بھلیرا، مُرشد میرا، شاہ غلام محمد
 اہل شریعت، اہل طریقت، مرا امام محمد
 سینہ ستر الہی بھیرا، کھتا پہن آسمانی
 چشماں شرم جیاؤں تریاق، روشن دوہیں جہانوں
 تن من اندر راہ حقانی اندر دین پیغمبر
 سالک، صوفی، نالے زاہد، نالے مست قلندر
 چُھٹی مار لیا دن موتی وحدت دے دریاؤں
 کھریاں گلاں، کھریاں چالان دامن پاکِ بیاؤں

پردہ پوشی کم فقر دا کرسن اللہ بھاوے
 سدا امید محمد بخشا زود دے وچہ پاوے
 ہکو سُخن، نہ ہو ر تمامی، جو نعمت میں پائی
 اوسے مرد پچھے دا صدقہ، اپنی نہیں کمائی
 شخص جس جتنا قدر نہ میرا، اُسنوں سب وڈیاٹیاں
 میں گلیاں دا روڑا کوڑا، محل چڑیاں سائیاں

در مدح سجادہ نشین باعث تصنیف

☆☆☆

سُخناں دی ادہ قیمت پاوے شعر مے خوش لیندا
 اوس صراف اگے جو تر دا، سود خزانے پاندا
 میرا اے ادہ وڈا بھائی عمروں، عقلوں، وسیلوں!
 دانشمند اکابر دانا، سحرِ تعلیم دے کسبوں
 سیفِ ملو کے دی گل اوتہاں کسے کتابے ڈھٹی
 اس حقے دی طلب پیچو تے میں دل کر دے چھٹی
 ایہہ مضمون چھٹی دا آبا قصہ جوڑ شتابانی
 چن چن ایس پروٹیں تسلیح موتی بسل خوشنابی

قصّے اندر کسر نہ ہو مے نالے رمز فقر دی
 صفت بھی وچہ حقوڑی بہتی چلے لذت کر دی
 قصّہ اُوکھانا لے لَمّاں زور کمیں پُنڈ بھاری
 ڈاہڈے دا فرمان نہ مڑدا، روگی چند بھاری



حکایت حسن مہیندی

خاصہ مرد عبادت اندر افسر سر سلطاناں
 شاہ محمود اُوہدا سی نانواں روشن وچہ جہاناں
 مرد کمال علم دا فاضل قدر شناس ہنر دا
 قدر بہ قدر ہر اک نوں دیوے روزینہ اوزر دا
 شاعر کاتب حافظ عالم زاہد صوفی سارے!
 کھان انعام معاش جگیں، تر دھن لوگ مکارے
 ہر جائی پُن دان شہاناں ہر جائی بخشیشاں!
 خادم مخلص سی فقراواں، علماواں درویشاں
 شاعر مرد سخندردا نے پاس اوہد بخت رہندے
 شعر کلام عجائب قصّے رہن ہمیشہ کہندے

مقولہ شاعر

آہو ہمت مرداں والی ایہو کم کر سیدی!
 مرداں دے درڈھیندے ناہیں شامت تدمریدی
 جس جانی وچہ مطلب ہووے مرد پچھاوت کھلیاں
 بلن مرادیاں منگتیاں نوں، مرداں دے درڈھلیاں
 ہوندے بند خلاص شتابی مرد پوون جد منامن
 دھن نصیب اوہدے جس پھڑیا مرداں سدا دامن
 مرد ملے تاں درو تہ چھوڑے اوگن دے گن کردا
 کامل لوگ محمد بخشا لعل بنان پتھر دا
 ہمت ہار نہ موئے توں مت کوئی کہے مردا
 ہمت نال لہجھے جس لوٹے پائے یا، بھج نہ مردا
 جاں جاں سانس نراس نہ ہوو سانس ٹٹے مرٹا سا
 ڈھونڈ کرن ہتھیں ہتھیں ناہیں، ہٹ گیتوتاں پاسا
 جھل جھل بار نہ ہاریں ہمت اک دن بھر سی پاسا
 ٹھیکھا منگن چڑھے محمد، اوڑک بھر دا کاسا
 جاں مقصود مقیر ہوندا، رہن جوں راحت پھیندی
 یاد نہ بھے قضیہ کوئی جدوں فراغت پھیندی

رہ جس دل اندر ہو مے بھائی بہک رتی چنگاری
ایہہ قصہ پڑھ بھانپڑیں دانال رہتے دی یاری

التماس پیش دانا یا ان فن

میں بھی بات عجائب ڈکھائی فارسیوں اخباروں
نالے امر ہو یا سی صادر مُرشد دے دیاروں
اس ہندی وچہ مطلب بھتے جہا جہا کوئی چاہے
پا دے رب قبول محمد مرداں دی درگاہے

ہر ہر قسم خوشی دی اس وچہ ہر ہر قسم نعماں دی !
سُسنے والے پاؤں اہیوں خواہش جہاں کماندی
بہتی ہے تعریف حسن دی ، ہا سی بُری شکل دی
نالے درد وچھوڑے بہتے نالے خوشی وصال دی

آدمیاں دے راہ طریقے جن پریاں دے نالے
عشق خوشی دے ساجے باجے درد و کھاندے چالے
پادشاہی تند بیراں گھنیاں دولت فوج رسالے
بُجھل ، ستاوت ، ظلم ، عدالت ، غفلت سُر ن سنبھالے

خوش خمدوش ندی دریاواں ، ٹاپو سیر جنگل دی
رُہ سڑتاں نرناں ، اڈتاں ڈھنناں نگر ایجنے ہر گل دی

عاجزیاں، بیکسیاں گھنٹیاں حالتِ دلیں بدلیوں
 دلیوں دلیں عجائب اس وچہ کیا بھوے کیا کھلیوں
 کوہِ قافاں دے پتے نشانی غاراں شہرِ جاڑاں
 کلر شور باغچے نالے میوے تے پھلو اڑاں
 سیر، شکار، اسیری، قیداں نالے صلح لڑائی
 سوگ، ویاہ محمد بخشا ہر گل اس وچہ آئی
 رستم دستی، حالِ شکستی دہشت بھاج دلیری
 خوف، اُمید محمد بخشا اس وچہ گھنی گھنیری
 بات مجازی رمزِ حقیقی کُن وناں دی کاٹھی
 سفرِ عشق کتابِ بنائی سیف پھی وچہ لاٹھی
 فضا عر دی آزمائش ماسی اس قِصے وچہ بھائی
 ہر رنگوں خوشی سُخن سناوے تاں اس دی دانائی
 خوشیاں اندراوہو اچھا درداں دل دُکھایا
 صفت کو صفت اندر فرماوے سُختوں سُخن سوایا
 جنگ لڑائیاں کانگیاں اندر گج کرٹاک کے آوے
 سفر وطن تے ماتم سوگوں پورے سُخن سناوے
 ہر ہر فن ہنر وچہ ہووے ماہر تے یک فنی
 لطفِ خدائی نال عطائی تاں اوہ ہوند اُستی

لُغْتاں ورتن دان لیا دے ملنے وپہ عجائب
 لیکن ایسے لوں نہ ہووَن ہر ہر نظروں غائب
 قصّے ہو رکسے دے اندر در اپنے کج ہووَن
 بن پیڑوں تاثیراں ناہیں بے پیرے کدردون
 جس وپہ گھجی رمز نہ ہووے درد منداں دے حالوں
 بہتر چپ محمد سخنستا سخن اچھے تالوں
 جو تشاعر بے پیرا ہووے سخن اوہدے بھی رکھئے
 بے پیرے بغیں شعر نہ ہوند اگ بن دھواں دھکے
 دیکھو دیکھی بیت بناؤں شعروں خبر نہ پاؤں
 ایس طرح تے صفقاں مٹھاں بھنتے دُوم سنداں
 ردی ردلیقوں نام نہ جاتن، قافیوں بدھتہ کافی
 وزن برابر ٹٹ دا جڑوا، صفت اسم نہ بھائی
 سخن بھلا جو دردوں بھریا بن درداں کچھ ناہیں
 نڑاں کھاواں فرق رہو دا کیا کانے کیا کاہی
 درد منداں دے سخن محمد دین گواہی حالوں
 جس پتے پھل بدھے ہووَن آوے بو رد مالوں
 دانش مند پچھان کریتدے، عامان سار نہ بھائی
 لکڑ ہارے لین بازاروں جو سستی مٹھائی

مدح دراستاد

حافظ عالم فاضل صوفی سالک راہ ہدایت
 دائم مسکت، محبت اندر عارف اہل ولایت
 سچے مرد نگاہ کرم دی نام اشد دے پاہو
 اوگنہار دے لکھاں اوگن پلا دے چھپاہو
 جیسے بھانڈے نیہے آوازے کیا نیویں کیا اُچے
 یں اں نال پلیتی بھریا، سخن ہووے کد سچے
 سخن میرے چا پاک بنا ہووے توفیق آزاداں
 چوہڑے دا پٹ پکا بدلا جا استاد اں
 ویکھ الغور سکتی لکھڑی اگی بالن والی
 ہر ہر جانی رتھہ موری اندر سارا خالی
 رتنی رمن پچھانوں یار وہیت کہ اں کیہہ گلّاں
 یں کہیوں ہتھہ واگ بلوچے جدھر چلاوے چلاں
 جاں مرے منہ لائی بھائی کج لائی ہر موری
 نیک انیک آوازے نکلے چھوک جدوں وچہ ٹوری
 سارنگیوں تک حال اساد انخشک لکھڑ کس کم دی
 وچوں بھگی باہر ڈنگی کجی سچے چم دی

بکٹیاں موراں نے تن بھینتا، چھیک پئے ہر جائی
 بارانگان لگی جدیاں تاراں چاہڑ و جائی
 اندر خالی تے مُنہ کالا طبلہ چم کچے دا
 پکے یول سُناندا پاندا جاں سر ہتھ پچھے دا

التماس پیش خوانندگان

دانش مند و سُنو تمامی عرض فقیر کہیندا
 آپو چنگا جے کوئی ہووے ہر توں بھلا تکیندا
 تک تک عیب نہ کر دے دانہ چنگے لوگ کدا ہیں
 نکتہ چیلنی فتنہ دوزی بھلیاں دا کم تا ہیں
 عیبوں پاک خداوند آپوں کون کسے نوں آکھے!
 کاہنوں گل کسے دی کرتی میں بھی شاعر بھا کھے
 میرے نالوں ہر کوئی بہتر مہیں تیج ایاناں
 مقوڑا بہتا شعر سُخن دا گھاٹا واہدا جاناں
 مقوڑی بہتی تہمت کولوں کون کوئی پیج رہندا
 پتر میں آپو او گنہارا دوسریاں نہیں کہندا
 پتر دہ پونشی کم فقر دایں طالب فقر انواں
 عیب کسے دے پھول نہ سکاں ہر اک حقیر نر انواں

جسٹوں عشق کسے داہو کس دے نہ دسدے
سُخناں دے جو عاشق بند عیب ڈھونڈھن اسدے

کرم کرو تے عیب چھپاؤ پڑھو سنجیالا کر کے
ڈوہنگی نظرے مڑ مڑ سمجھو لنگھ نہ جاؤ تڑ کے
میں جھلا تے تسی نہ پھلو سمجھ بناؤ معنے
چلدے گھوٹے نوں مت مارو چابک طعنے

شعر میرے اس ملک اپنے وچہ مول نہ پاند قیمت
دور در آئے جسٹوں بھجن جاتے بہت غنیمت
کیسر سستا ہے کشمیرے پچھو مل لاہوروں
پستہ تے بادام محمد سستے ملن پشوروں


کرے سوال فقیر محمد پڑھنے والے تائیں!
رونق کریں نہ شعر میرے دی نال ادائیں
باہجھ ادا آواز رسیلی لگدا شعرا لونا
دودھ اندر بے گھنڈر لایئے مٹھا ہوندا دوتا

جیونکہ بیٹے تساں پیا رے تیویں بیت اسا نوں
بیٹے نوں کوئی انگل لائے لگدے بید تسانوں
جہلم گھاٹوں پر بیت پاسے میر پورے تھیں دکھن
کھڑی ملک وچہ لوڑن جیہڑ طلب بند دی رکھن

میں شواہد اُتے خاکِ رلیساں بھل، ہجر دی کافی
 ہے رب سچے روشن کیتے رہن سُخن نشانی

بنام حضرت پیر روشن ضمیر

کون بندے نوں یاد کر لسی ڈھوٹدھے کون قبر نوں
 کس نوں دردِ اساد اہوسا روگ نہ زبڈی در نوں
 رُوح درود گھٹن سب جاسن آپو اپنے گھر نوں
 تیری رُوح محمدؐ بخشا نکسی کیہڑے در نوں
 ناں گھر چاہڑے نہ سُکھ ڈھٹے ناں کھٹی گھٹی
 نہیں کسے دل لینا کوئی ناں چھڈ چلے تروٹی
 جے کجھ آیا سو منہ پایا تلی رکابی چٹتی
 خالی ہتھ محمدؐ بخشا ٹری نکاری لٹتی



کلمہ حیدر بیان اوصافِ عشق و عاشق

حلاوتِ اہل سوز و گدازِ محرم راز



سدا سکھالے او ہو بھائی عشقِ جہنماں گھٹ آیا
 مریم پھٹ اُونہا ندے بھانے بھو چہا سکھایا
 تاجِ تختِ سلطانی تیج کے ٹھوٹھا پھرن گدائی
 رکھ اُمیدِ سخنِ دیِ دردی کٹن جوین آئی
 دمِ دمِ پینِ شرابِ نماں دیِ دم نہ مارے مٹوے
 وٹ بھلن وٹ پان نہ مستے واہ تہاندے رُوے
 کہ کر یادِ سخنِ نوں کھاندے، بھن بھن جگر نوالے
 شربتِ دانگِ پیادے بھتوں پیوں نہ ہر پیالے
 بھلن یارِ ملامت والے عشقے دے متوالے
 بھٹکھا اُوٹھ موئے مستانہ بھاراٹھاوے بھارے
 باہروں دتسن میڈے کالے، اندر آبِ حیاتی
 ہو مٹھ سکے ترہا یاں وانگہ جانِ ندی وچہ نہائی
 شہرِ اجاڑ دھونڈیندے قندِ دلبر وچہ بقل دے
 گونگے ڈورے کن زبانونِ معنی سب عقل دے

رات رہاں گل لایا جانی ہک دم جُدا نہ ہوندے
 عاشقِ رجن نہیں محمد بھر بھر ہنجوں روندے
 ایسا صدق لیا دن اُس تے سچے نال دھیانے
 اسی پن باغِ بازاں نہ بھاوے لاوے اک جہانے
 ہک دُکھ نوں دل وچہ رکھن، سبھ خلقت توں نسن
 دیدن دید نہ جان بولے، کھول کے دار و دسن
 وچوں آتش، باہروں خاک، وسد حالوں خستوں
 جے ہک نعرہ کرن محمد ڈھین پہاڑ شکستوں
 راتیں زاری کر کر روندے نیندا کھیت دی ڈھونڈے
 فجرے اوگتہاں کہاوں، ہر بھتیس نیویں ہوندے
 بہناں ہک گھٹ بھر کے پتیا وحدت دے مدھ لالوں
 علم کلام نہ یاد رہیو تے گزرے قال مقالوں
 ریت وجود تیرے وچہ سونا اینویں نظر نہ آوے
 ہنجوں دا گھت پانی دھوئیں ریت مٹی رہڑ جاوے
 بوٹی گال رہا صفت والی آتش بال غماں دی
 پریم جڑی گھت ویکھ محمد سبھ چاندی من بھاندی
 اس دوئی دے دعوے پٹیاں سٹیاں دُور حضوروں
 نوروں سایہ ظاہر آیا چھپ نسا فر نوروں

جیون جیون جھوٹا نا توں موت کھلی سر سر اُتے
 لاکھ کروڑ ترے تیں سوہنے خاک اندر دل مُستے
 جہناں عشق خرید کیتا اینویں آ مُبکتے
 عشقے باہجہ محمد بخشا کیا آدم کیا کُتے
 جس دل اندر عشق نہ رہیا، کُتے اس بھیس چنگے
 خاوند دے در را کھی کر دے صابر بھکے، ننگے
 عشقوں باہجہ ایمان کو یہیا، کد ایمان سلامت
 مر کے جیون صفت عشق دی دم دم روز قیامت
 عاشق بٹن سکھالاناہیں دیکھائیوں تنگ دے
 خوشیاں نال جلن وچہ آتش موتوں مول نہ سنگدے
 بے لکھ زہد عبادت کر بیٹے بن عشقوں کس کاری
 جاں جاں عشق نہ سارے تینوں تال نہی نہ یاری
 پکا پیر دھری بے دھرناتلک نہیں مت جاوے
 سو اس پاسے بہے محمد جو سر بازی لاوے
 یار کرے جدا اپنا تینوں مچھن ہور اشنا ئیاں
 ماں پیو سجن یار نہ رہن حرص نہ بھیناں بھائی
 سکے پیرندی بھیس لگن وچہ سمندر چل دے
 ہرگز مثل سمندر ساگر آتش وچہ نہ جل دے

دپتوں نورِ الہی رنگے، باہروں کا لے کھنٹی
 ناں اوہ میرے دانگوں یا رُو دل چنوخ کی الفی
 مٹھی چھاں اُتے پھل دا لے، دانگ انجیر انگوراں
 ناں بے فیض اسا دے دانگوں کوڑے مٹھے گھوراں
 اوپر جلی، موہوں جلی اندر نہیں تھلی !
 جب تک عشقوں جان نہ جلی بھٹھ جلی کیا جلی
 جے توں عاشق بنیا لوڑیں پلا پکڑ سچن دا
 جان منگے تے دیہہ شتابی، صرفہ کریں نہ تن دا
 ہالی لوک کر بندے واہیا سکدے دھپے نڈرے
 ساے رنج بھلے جدر جکے من پائیاں گھر کھڑے
 عاشق نا امید نہ ہووون، دن لمبیاں آساں
 جے تنو وار کھدیڑن درتوں، کوکن کدے نہ جاساں



ذکر منزل استغناء

جے لکھ جانی صدقے ہوؤں، بھل کے تیغ پریم دی
 کچھ پرواہ دریا دے ہک قطرے شبنم دی
 جے لکھ سیس رلن دچہ خاکے کر عشق پیسارا
 جیوں سورج دے نوروں چھپا ڈرہ ہک نکارا
 ست آسمان بھڑن تاں جا پے بُت درختوں بھڑیا
 چوداں طبق ڈبن تاں جیویں لکھ باراں ہک بھڑیا
 سہل تہیں ایہہ قادی بھائی سہل تکیندے جاہل
 عملاں دا ایہہ حال محمد پرہو بوہ نہ کاہل
 کیس سالک اس رستے ٹر کے اوڑک انت لیا سی
 اس درمے دا دارو بھائی کس دے ہتھ پیاسی
 جے کہ کار تیری ہے کاری لوہیں لگانت کاری
 جے کہ کار نہ کاری آوے بہت ادھتے بے کاری
 لکھ کہوڑاں مٹیں چنگے خاک ہوئے اس جانی
 جے جگ ہوئے نہ ہوئے ایہتے ہے پرواہ نہ کانی
 کار کریں جو کہے کری کہہ ہنکار نہ کاروں!
 عملاں تے دھر آس نہ ڈرہ فضل منگو سرکاروں

ذکر وادی و منزل تو حید

اگوں منزل آئے بھاری وچہ وادی تو حیدے
 عابد تے مبعود ملیںدے دوئی نہ پیر مُریدے
 ازل ابد دا جامہ ہکو ایہہ گکھاں وچکاروں
 ہر داروِپ محمدؐ بخشا اے ہکے سرکاروں
 جے کوئی غرق نہ ہو یا بھائی وحدت دے دریا دے
 کیہ ہو یا جے آدم دسد الیک نہ مرد کہا دے
 جاں جاں اپنے آپے اندر جابندے دی ہوسی
 کر کہ شادی کدے ہتے گا کدی غماں وچہ روسی
 جاں ایہہ اپنے آپوں نیکے نہ کوئی غم نہ شادی
 دوزخ دا غم خوشی جنت دی دواں یقیں آزادی
 ہر اک اندر دوزخ جس وچہ سب اٹھائیں واسا!
 اس دوزخ سے باہر آویں خطرہ رہے نہ ماسا
 عقلموں نکروں باہر نہ آوے سچدا پھرے دیوانہ
 آکھے خیر نہیں یں کیہڑا کیہڑا میرے خانہ
 جاں توں گم ہو ویں وچہ اسد اپنی چھوڑ نشانی
 ایہہ تو حید محمدؐ بخشا دے کون نشانی

ذکر منزل حیرت

پھر اگوں اک منزل آدے حیرت والی وادی
 دردِ افسوس ہوئے گم ادھتے ہرگز خوشی نہ شادی
 دم دم تیغ غماں دی ماہے حیرت اک نہ بچھے
 آپس درد تے لکھ دردوں رات دہاڑ نہ سمجھے
 جاں اودہ مرد حیرانی والا جا پوہتا اُس جاٹے
 ہوندا گم تحیر اندر اپنا آپ نہ پائے
 فانی نہیں یا باتی دونوں تہیں میاں تو دوٹے
 دس سانسوں کچھ پتہ نشانی حال تیرا کیہہ ہوٹے
 نہ میں مسلم نہ میں کافر خبر نہیں کس چالی
 نالے ایہہ دل عشقوں بھربا، نالے ہے مڑ خالی
 حیرت سرگردانی ناہیں کیکہ اگے گھڑیئے؛
 شہر اتے دروازے پھٹے کھنوں بھل کے ڈریئے



منزل فقر

فرموشی دن منزل ہوئے گنگے ڈوڑے جھلے
 جاں اک سورج چڑھیا سبھ تارے چھپ چلے
 کانگ چڑھے دریا فقر دے جنبش اندر آوے
 پتھر نقش، بریتی، بیلا، بوٹی ریت چھاوے
 دوئے جہان محمد بنحشا موج اس ہک دریاؤں
 جے کوئی ایہہ متے ناہیں کسراوینوں سوداؤں
 ایس ندی وپہر چھپی مارے جے کوئی ہمت کرے
 سدا سکھالارہی بھائی، کیہہ کم باہر ترے
 اس ندی دی چھپی اندر چت ہمیش سکھالا
 گم ہوون بن ہوو بھاوے داندے پن کشالا
 حکمے نال اس چھپی وچوں جاسر باہر آئے
 تاں اوہ کاریگریاں دیکھے تک تک بھیت کچھائے
 جان ایہہ اپنا آپ بندے دا پردہ ہے دلیر دا
 کال ملک تے عزت دولت سنگ کھڑیاں کد تر دا
 خاطر جمع ہوئی جس ویلے خودی ونبجے خودیوں
 پاک ہووے تاں باہر آوے ہر ہر نیکی بدیوں

جاں ایہہ نیکی بدی نہ رہندی اسدم عاشق ہوندا
 گم سُم عشق بکھر چہ ہو کے یاری کرن کھلونا
 جیویں ایہہ حال احوال فقر دا غائب ساڈی نظروں
 تیویں شرح تریانوں اوہلے نالے صفیوں خیروں
 بعد فنا تیویں باقی ہونا کیہ جاناں اس باتوں
 توں کتاب سینے جے لکھاں باتاں نفی اثباتوں
 مر کے جیویں دی گل چنگی سو جانے جو کر دا
 جس مے سرا یہہ دوتی ہو مے کم نہیں ہر ہر دا
 میں کیہ جاناں حال فقر دے مدعی نفسانی
 سنی سنانی لکھ دکھائی، پائی نہیں نشانی
 اپنی موت حیاتی اندر جب تک تیرا ڈیرا
 اس منزل وچہ کہ محمد پیر پوے گا تیرا
 اپنا آپ محمد بخشنا تیرا مصر شہر ہے
 مشکل پندہ سبجھن دے لوڑیں رستہ بحر و بر ہے
 جاں ایہہ مصر پیارا تینوں کوڑا نہ ہر ہو مے گا
 تاہیں دل سفر ول جاسیں پینڈا لہر ہو مے گا
 دھبیاں تیر، بھیتاں بھائی وچ پٹر سنگوں ساختیوں
 بیڑی روڑھ اسباباں والی عشق تیری دے ٹھاٹھوں

رستہ دونہ اوڑک جس دا گھتے قفینے اس دے
 جیہڑے نال یقینہ ٹر دے ونج سبھ سنگ ورسدے
 توڑے کج نہ معلم اس دا تھاں ٹھکانہ پاسا
 چھڈ دینا پوہر فقر دی رکھ ملن دی آسا
 یار ملے بن مر سونا پلے سیس تلساں جے ہوئے
 اوہ تیرا توں اُسدرا ہو سیں وتھتہ رہی موئے
 محبوباں دی بے پرواہی سُن کے ہٹ نہ راہوں
 بہت آس قراری کر کے ونج اُسے دُرگاہوں
 اپنا آپ چھڈیں اس کارن سا جن تاں گھٹ آون
 سب جگ اُنے تشاہی تیری پریاں تخت اڑاون
 ڈھونڈن والے مرن نہ خالی خود حضرت فرماوے
 دیکھاں سیف ملو کے دتے جو لوڑے سو یاوے



ابتداءئے قصۂ سیف الملوک

(شہزادہ سیف الملوک عاصم بن صفوان شاہ مصر کا فرزند تھا)

پیر میرا اُوہ دھڑی والا پیرے شاہ قلندر
ہر مشکل و چہ مدد کہ پیدا دوہاں جہاں اندر
عاصم بن صفوان شہزادہ والی تخت مصر دا
آہا شاہ سلیمان دوجا، صاحب دولت نردا

ذوالقرنین سکندر والا، فتوکت شان زیادہ
بادشاہی گھراس دے دائم عادی دا شہزادہ
رومی، شامی، چین، چین، غزنی، ہندوستانی
زنگی روسی، ہمو فرنگی، یونانی، ایرانی

کوٹ قلعے در بند ہزاراں چھاؤنیاں ہر دیسی
سدا بزت ہر شہر بنائے رست کھاؤن پر دیسی

عادل سخی سکندر جیہا جیویں دریا و چہ موجاں
زوروری اُوہدی سُن کبتن دیواں دیاں وی فوجاں
عیش خوشی جو دنیا والی سمجھو سی ہمتہ آئی
سب مُراداں چاہیاں پائیاں کہ دانکہ خدائی

گھوڑے، نچر، اوٹھ ہزاراں موتی لعل جو ہر
لکھاں تھان دتے زر بقتوں دولت اتوں باہر

گولیاں گولے سوہنے سندر تیلور لاسنگارے
 ڈولی داسر صدقہ کر کے دیتے باپ بچارے
 تبنو، تیجے، جڑت جڑاؤ موتی تے زرکاری
 سورج نال رُلاون رِسمان لگی پھول کناری
 اکے پھتر سنہری لائے چمک دستن آسمان
 کیتی چھاؤں جہانے اتے اُچیاں ساٹباتاں
 بادشہی زربفت وچھائی پھلاں سیج سجائی
 کُرسی ہوو جڑاؤ سوہنی ہر سر کردے پائی
 چارے طاق محل سجایا انبر تے سر طاقاں
 ہر طاقے وچہ سوہنے کھیدن الفت نال اتفاقاں



سیف الملوک کی ولادت

شہزادہ سی لعل چمکدا، سُوَر جِ تشکلِ پیارا
 نگ موتی صالح دا بیٹا، چن جیہا چمکارا
 سدا بُرت ہر رستے اُتے لائیاں ہو رہی سبیل
 دے سر و پا نوازش کیتی عادی دیاں اسیلاں
 شادی دے شدیا تے وجے تھیراں لگیاں چوٹاں
 ملکاں اندر شلکاں ہوئیاں ہر نقانے وچہ کوٹاں
 ہر مقدم تے پٹواری، دفتریاں، دیواناں
 قدر بہ قدر سب نے آندا شکرانہ، نذراناں
 طرماں تے کھرناہیں و جیاں نامے ڈھول بھرائی
 کھڑے کھڑے گئے محمدؐ، کھٹی ہوئی لوکاں
 بلبل طوطے سوہلے گاؤں "حال" پٹے جیواناں
 کھوہ داکتا چٹکی مارے بیل پھرے دیواناں
 ہر ہر پاسے نہراں دُگن چوک عراق اُچیرے
 شیش محل چبائے گوشے، میلے امیرے ڈیرے
 ٹینڈاں، منجھوں بھر بھر ڈھلن، جاں اندر کر خالی
 سدا نہیں اس رونق رہنا، سدا نہیں توش حالی

ہر کوئی جانے سوڑی سامی ڈا ہڈا قبر اندھیرا
 اک اکلی وچہ اُجاڑے، دائم ہو موسی ڈیرا
 لکھے رکھے لیکھ ازل دے، مول نہ جان دے میٹے
 دتا اوہدا سرتے جھٹے جے رب کھر سی بیٹے
 جان کندن دی تلخی ڈا ہڈی، سُن کلاں تن کبتے
 پکت کتابیں قبراں اُگے، دوزخ بھاہ اُلینے
 پڑھتا علم ضرور بندے نوں کیتا فرض الہی
 کردا علم دے نوں روشن، ہوندی دُور سیاہی
 جیویں سورج وچہ نور تیویں ہی علم روح وچہ جانے
 نورے با، بھوں سورج پتھر آدم جنس جیوانے
 علمے کارن دُنیا اُتے آون ہئے انساناں
 سمجھے علم وجود اپنے نوں نہیں تاں وانگ جیواناں
 سیف ملوک اندر رب پایا بھتا اثر دنائی
 نیز طبیعت، ہوش و دبیت، فہم عقل چترائی
 حُسن رسیلا، خوِ جِلَمی، سادہ مُکھ صفائی
 سوہتے دیکھ ہووَن شرمند بھال نہ جھلدا کائی
 روشن شمع نورانی، چہرہ پھیلے لاٹ آسمانی
 وانگ پتنگاں سڑن چو غیرے عاشق مردِ زمانی


بے اوہ نظر کرے دلِ ابرجیک نہ بھلق تارے
 تارے جس دلِ مہر میں آئے، کردا پار اُتارے
 مقوڑی مقوڑی صفتِ محمدؐ لکھا چل ہر جائی
 نرمی پھڑمتِ محسنوں گرمی کا غد قلمِ جلائی
 مقوڑی مدتِ وِچہ شہزادہ ہو یا سکندرِ ثانی
 علموں، عقلوں، زوروں، شکلوں جو اوصافِ انسانی



شہزادہ اور شاہ مہرہ

لکھے لیکھ ازل دے یارو ہوتدے نہیں کنارے
 باد شہاں ٹوں پون قہنئے کون ایسے بے چارے
 مہتے گم چنگ دے جیٹے بڑے ڈھکن تقدیروں
 بھہ سواپنے دلوں کہیئے چنگے کہ تدبیروں
 اس مورت دی صورت ربا ناپیں حد انسانی!
 یا ایہہ کوئی محمد بہشتی یا کوئی ستر ربانی
 آدم دی کی قدرت سر بے ایسے روپ بناوے
 قدرت دے ہتھ نال بنائی خالق اپن اپارے
 مندے من دے روگ محمد من دے نہیں دواواں
 بھید ہو دے جے دیکر تائیں بھید ایہہ کھول سناواں
 اوہ رخصائے رنگ عوانی ہوئے کیسر پیلے
 تمبوں جھانی یمانی مارے نرگس نین رنگیلے
 زور ازل کے لکھے لیکھوں کب ہون چٹکائے
 تاج وراں پر کڑیاں پٹریاں پھر ہی وہ مارے
 پار وہی جاتے ہیں کو پار کہی تقدیریں!
 بندوں کی بگڑی کب سنواری، کر دیکھیں تدبیریں

اس صورت کی صورت جیسا حسن نہ ہوا انسانی
 جیسے کوئی حورِ بہشتی یا سرِ ربانی
 آدم کی کیا قدرت جو وہ ایسا روپ رچائے!
 ایسی سُندر شکل تو خالق اپنے آپ بنائے
 مَن کے روگ محمد بخشاکب ہوں دُور دُور سے
 اس دُکھ داد دلا دے یار کی اذن و رضا سے
 وہ رخسارے لال گلابی ہو گئے کیسر پہیلے!
 غم کے سائے میں سنو لا گئے زگس میں رنگیلے
 سب خزانے ہتھ اڑے چاہتے جس بھائے
 نظروں شاہ کرے تے شاہاں سفروں اوگر پیائے
 مشکل پاؤں والا آپوں، آپوں حل دی کر دے
 عاشق توں لا روگ پر دم دا، مل سخن دل کر دے
 سکیمیاں توں او دُکھ سہا دے پاوے وختِ امیراں
 اڈ دے پیچھی قید کرائے، چھڈے سحتِ اسیراں
 خاکوں صورت، سُندر کر کے، پھر لائے گھٹے!
 پھل کھڑائے بوٹی وچوں قیر پتر کھوہ سٹے



ابیات کی اکائیاں

شاہ روئے زمین دے اکثر تیرے کول سلامی
 ناجاں تختاں والے تیری کر دے آن غلامی
 جے لکھ عقل تمیزاں کر یئے اورک ہوتی ہوناں
 ہمدیاں، کھید دیاں کس بجاوے بیٹھ غماں وچہ روناں
 اندر عشق جلا ند جیویں کر آتش سکیاں پتیاں
 ممت نبیں دل میرا مندا، ممت ہن دیہو ممتیاں
 آپوں ٹھوکر لائی شیشے، بھج ہویا ہن ٹکڑے
 کیونکر پاچ لگے ہن ثابت جے سولایئے اور کر ٹیئے
 دیس بدیسی پھر دارہاں جان نک ہوگ حیا تی
 ممت سبب بنا سی مولی البھسی و ست کھڑا تی
 موتوں خوف نہ کھاؤں ذرہ مہمت دلیر دلاں دے
 وچہ میدان لڑائی والے پاؤں سیر ہو جان دے
 کہندا شاہ فرزند پیارے توں جگر دا بیرا
 بینوں سیک لگے جے رتی مڑے کلجہ میرا
 ناں میں گملا، ناں میں جھلا، سب کچھ سمجھاں جاناں
 پھر کچھ دوس نہ میں پرہ بابل ہو یا رب دا بھاناں

اندر باہر غشتے رُوّھا، دِسدا نہیں نساںوں
 مال خزانے لیکر بھاؤں اک گیا جیو جاناں
 لکھے لیکھ ازل دے کپڑا کہ تدبیر مٹائے
 کئی امیر، وزیر سیانے اس تقدیر بھلائے
 چار دیہاڑے عمر جوانی کرے عیساں مویاں
 سدا نہیں ایہہ دولت، دنیا سدا نہیں ایہہ فویاں
 ناں میں تیرا سہرا ڈٹھا، ناں ہتھ بندھا گاناں
 ناں میں تیری جھنج چڑھائی، ناں کوجیاں شیدیاں
 توڑے کتے بن کے رہتے وچہ وطن دیاں گلیاں
 دُر در جھڑکاں ستھتے، تاں وی فریر دیسوں بھلیاں
 موت پہنچے پہنچے، مریں خبر نہیں جے بلیسی
 بجلی مرگ جلاسی بوٹا یا یا غیچہ کھلسی
 ناں کر تاتا اچھے، ٹھنڈا ہو، دن کٹ کھاں
 سڑ چلیا جیو جامہ تیرا، اس کچیانوں، ہٹ کھاں
 دیلا آج بھلیا تیرا نالے عمر جوانی
 کرو عدالت، ہو رعبادت، اورک ہونا فانی
 بھلکے موت آئی جس ویلے نئے افسوس کریں گا
 عملاں باہم نہ تُلّا شناہی کیوں بھر تریں گا

نہ کوئی رو ملا خطہ اوتھے، نہ کوئی عذر یہاں
 جو کچھ کہیں، سو یوٹسی، ڈا ہڈا عدل شہانہ
 لماں پندہ نہ سنبھسی بیٹا، بہو کھاں ہو بچلا
 جوشن خروش مٹا پیار سے جاہ نہیں ہو بھلا
 چوہا، پڑا، تے کتا، ہر کوئی وطن دھراندا
 توں آدم شہزادہ ہو کے پھڈیں وُست گھراں دا
 یاراں تیکھے وطن بھلا واں، دیکھاں دیس بگاتا
 بھلاں روچہ سمندر غم دے پکے تاں یارانا
 عشقے دارُخ ویکھ محمد ہوون فیل پیادے
 متیں لگے تاں اٹھ وگے کی مقدور شہزادے
 بٹی بن کے وڑ دا یارو، شیر اندر جابن دا
 غون بے بن ہار نہ پڈے سدا بہادر بن دا
 کیونکہ یا کاں اندر آون ہمتوں چھٹیاں واگاں
 بادشہی کس کاری مینوں دتی ظہیری بھاگاں
 ساقی بوتل آن اچھی، پی کے ہوش بھلائے
 سبحان کولوں رخصت ہو کے پند سفر واپاٹے
 لکھے کون محمد سبحنا ظلم عشق دے چنداں
 ماپے آپ کراون قیدی قزننداں د لبنداں

باپ نہ لیجا قید کراٹی، ندی رڑھائی سستی
پتوں بھائیاں بکتھ چلایا، گل نہ جانندی دہی

بند اندر فرزند جہاں دے، پائی تند اولی
تخت چنہ، سرتاج قبر ہے پیر اندر جد، ملی
عشق سچائے تھیا تھیا چنکن پیریں سنگل
قید چھٹے تاں اس لکھ لکھی ڈھونڈن تکیاں جنگل

شاہ شاہیا لے دی اوہ بیٹی پریاں دی شہزادی
حُسن جہاں پری ہے مائی مہر افروزہ دادی
جے توں میرا یار کہا دیں، عشق تیرے دل رسیا
میرے باہجہ نہ ہوو قبولیں، رہیں نہ بچا ہی پھسیا

عشقے کارن آدم کیتا محرم یار یگاناں
آہے ملک عبادت جو گے کی حاجت انساناں
عاشق کہندا جے لکھ آکھو میں ہک بات نہ سُندا
ایہہ بھلاں چھڈ بھلاں ناہیں بھلا اپنے گن دا


پڑھ پڑھ پتھر بنیا ہے ساں پارس عشق لگایا
سونار کتہ جو کچھ آہا ہتھ صرف دکایا
وکیا سودا مُڑا ناہیں لکھ دیہو بھانی !
چھیک گئے سب حرف تساڑے، وگ پریم دہی کانی

جے مُورَت وِچ ہوندا ناہیں رستہ سچے دلبر دا
 کیہہ طاقت سی گھاٹل کردی جگہ دانستور دا
 جھلیاں توں مت دیون وائے جھلیاں وِچہ گنبدے
 اُساں سچن کول سریرِ جاناں مرسو مٹیں دیندے
 جے کچھ لاڈ پیار مانواں دا کیہہ کچھ اکھ سناواں
 جے آج ماں ہوندا اوہ مردی، کی پرواہ بھراواں
 اُتے وِچوں پنکھی کڈ داوے کے پنکھ اڈاے
 پتھر وِچوں لعل بناوے راتیں مینہ کھلاے
 میرے جے عاجز بندے تخت دیوے مُسلطانی
 واہ کریم محمد بخششا، میلے وِچ پڑے جاتی



ایک منظر!

سیف ملوک شہزادے کہیا حاضر ہوو ت ساقی
 سوہنے حُسن اداروں والے، مصری ہوو عراقی
 چھو کر یا اتے گو لے آہے، سوہنے حُسن رنگیلے
 غمزے نال کرن دل گھائیں، ہُسن زمین رسیدے
 مُور ت نازک وانگ گلاباں لاوے وانگ پیالے
 قد چنبے دی ڈالی وانگ، پھل لگے گل لالے
 طوطے اکوئیں وانگن بولن ہُسن ہار لٹکدے
 چوہ دلاں دے ٹھگ تیناں دے ترے اکھ لٹکدے
 کاسے ہتھ سفید بلوری، بھرے عقیقی ہتھ دے
 ساقی نوین، شراب پُرانی تے سوا لے درہ دے



ایک سمندری طوفان کا منظر

ہک دن کرنا رت دا ہویا اُٹھی سخت ہنیری
 دھند غبار سنسار چھپیا یا لگی جھپٹری گھنیری
 نوح والا طوفان اندھیلوں، غرق کرن توں آیا
 شاہ سپاہ تمام پکارن، رکھیں بار بھدایا
 بدل تھر نزول مچایا، لہر سمندر آئی !
 مگر مچھ سنسار بلائیں رٹھ دے دین دہائی
 کھڑکے بدلی، دھڑکے پھرنایا بجلی دے پرکاسے
 دُور جہازاں کھڑکھڑاے جھکھڑے اولارے
 دُتیا اندر کون امن و چہر ہر کوئی دُکھیا را !
 بے وفا سنسار ہمیشہ ٹھگ بازاری بھارا
 کدے کدے سر دار جیہاں، دے پوشاکی چٹھی
 کدے بنا دے فیر خمد گھمیاں دی مُٹی
 موتی اتے جواہر جڑیا پھتیا چیت بنیرا !
 دیوے وانگن لاناں مارے، جھلس نور چو فیرا
 توں چندہ میں زہرہ وانگدہ ہاں نئی جوانی
 ساعت نیک پھری ہن تیری ہوئی آج قرآنی

تُوں گُلیں، میں چُننے ڈالی، میں موتی تُوں ہیرا!
 تُوں الوان سُرخ میں مینوں میں سالو تُوں چیرا
 جوڑی آج خداوند جوڑی، تُوں راجہ میں رانی
 میں بن اگے تہہ اکلیاں کیوں کر عروہانی
 شاہ شمس دی کھل لہانی، اڑی چوٹی تائیں
 زندے پہ نہ موٹے موٹے کتنے گن سنا میں
 جواک داری مر کے جیوے پھر انہاں کی مرناں
 دنیا اتوں جس دن بھاوے اس دن پردہ کرناں
 بعضے عاشق ہیں تک زندے دُنیا اتے دسدے
 خاصاں تائیں ظاہر دسدے، عامان بھید نہ دسدے
 راجھے ہیر سیالے والی ایہو گل سُندی
 چُپ محمد بات اچھی ناہیں بات پُنیدی!
 خدمت گار چو طرفین تاریں ہر اک پھل گلابی
 تخت اتے شہزادی بیٹھی چہرہ وانگ متابی
 جوڑا ابرو طاق بہشتی یا دوستی کماناں
 پنیاں جیویں تیر خدنگی، گھاٹل کرن جواناں
 ظالم نین کٹاں وانگر، وچہ کجے دی دھاری
 دیکھن والے نوں کہ غمزہ سانگ کیجے ماری

گھوڑے کا ذکر

بی بی تروت منکائے گھوڑے خاص سواری والے
 چوکرٹیاں بھینس رتھن ناپیں وانگوں ہرن غزالے
 پوپٹے وچہ نہ بھجھن دیتدے، واوہرے دی تائیں
 پیراں نال نہ لگن دیندے دھوڑ کھرے دی تائیں

شہر زتاں کا نقشہ!

قبول نظر کرے شہزادہ دستن سُندر کرٹیاں
 ہر بھاکے، ہر محل چبائے، واہ شکلاں دل پیٹیاں
 ہر غریف وچہ طرفے تکدا، ہر ہر قدم صنم توں
 ہر کوچے ننئے، سچے سوہنے تم کرن جو غم توں
 تاریں کھٹن، تاریں کھا دن، تاریں سب کم چائے
 اوہو خرمیدن، اوہو وچکن، خوب ہزار ہسائے

ہک نڈھیان ہک وڈیاں تاریں، ہکناں خوب جوانی
 بیک بیکال دی صورت وافر، تائے جیوں آسمانی



ابیات کی اکائیاں

جس دل اندر عشق سماناں اوس نہیں پھر جاناں
 توڑھے سوہنے ملن ہزاراں، ناہیں یار و طناناں
 غزنی دے سلطان ہزاروں، سوہنے آہے گوئے
 وال آیا زلفِ دے اُتوں سیھنا تائیں گھوئے
 یسلی نالوں گوریاں کربیاں مجنوں توں دس چکے
 اُس تے جان کہے قربانی، اینہاں ول نہ تنکے
 لوہا پتھر مقنا طیسے اُٹھ مل دا کہ دھائی
 موتی ہیرے ویکھ نہ اٹھدا قیمت رنگ صفائی
 پیلا منکھ نیڑے کھڑیئے لکھ اُسٹوں اُڈ ملدے
 لعل نال نہیں اُڈ چرطن راہ تیارے دل دے
 یار کینہ جس دل پڑیا، چونکا دیکھ نہ بھل دا
 جس داسب بھتیں بہتر ہوئے سو کیوں دردِ دل دا
 حرمِ مجازی، شہوت بازی، جس اندر دچہ ہوندی
 اک صورت اُجلی تنگ کے، پٹی طبیعت بھوندی !
 جس سڑ سڑ عشق ہے اتھے شہوت مول نہ وسدی
 جس دل حُبِ سخن دی اس وچہ حُب نہیں ہر کس دی

اگ نہ سارے ککھ جنہاں دے رحمت بدلی دس دی
 اینویں صدق نہ ہار محمدؐ دیکھ طبیعت ہمس دی
 کامل عشق خدا یا بخشش، غیر دلوں مُنہ موڑاں
 ہکو جاناں ہکو تنکاں، ہکو، آکھاں، لوڑاں
 آدے مستی، جاوے ہستی، بھلے شکل پرستی
 پیرا کسیر کرے تاں ہوساں ایہہ کھٹیا لی جستی

عقل و نفس

کرے ارادہ ایہہ شہزادہ ماراں پیٹ کٹاری
 اس تلخی دے سخت عذابوں چھٹے جند و چاری
 عقل شہزادے نوں پھر درجے مت تری کیوں ماری
 ساس اڈن تک اس نہ لوڑن خاص جہاندی یاری
 نفس کہے یس کا ہلا ہو یا کچرک تہریں جہاں
 لکھ مصیبت جھاک نہ بلیا، آج ملے بن مرسان
 عقل کہے کیوں کملا ہو یا عشقے لچ نہ لائیں
 اتنی سختی اگے بھٹیا کج دن ہو رہی نگھائیں
 نفس کہے ہن کھتوں ہلسی تاں کوئی دس سنبھا!
 آس ہوتدی دس پوندی اسدی اینویں جرن کجھا

عقل کہے "ایہہ کم عاشق دا" عشق توں بس نہ کرنی
 لاکے بازی بے اندازی، اوڑک وار نہ ہرنی!
 عقل کہے کھا کافی مرنا ہوندا کم شیطانی!
 بھار لگا تاں پنڈرا تیری بھلی عشق دی بانی
 نفس کہے فریاد نے لایا آپ سرے توں تیشہ
 اوہ مویا مردود نہ ہويا، میں بھی اوہ اندیشہ
 عقل کہے فریاد سے سُنیا شیریں گئی جہانوں
 اوس جہان گیا سی ڈھونڈن مویا نہیں اوہ جانوں
 نفس کہے کیوں مبینوا لے نے ماری پچال جھناویں
 مارو کانگ ڈھکی سی سوہنی کیوں جا پٹی دریاویں
 عقل کہے توں سمجھیں ناہیں او مرنا کت پا سے!
 دوئے ہک دوجے دل ٹھٹھے کل ملن دی آ سے
 جس دن ہیرو یا ہی کھیرے، رانجھا وی مرہاندا
 کاہنوں کن پڑواندا ٹپتے، گل کفنی کیوں پاندا
 ہموہنراں عاشق ہوئے ڈکیئے تے لاچار ی
 یار ملے بن، دوروں اک کے چھری کے ناں ماری
 مرداں والا داعیہ کرکھاں رکھ اُوہ کچھلی عادت
 وانگ سستی بے تساموئیوں تاں بھی عین شہادت

جے کہ تشرح اس گل دی دُور سُغن ٹر جاندا
کہ کے صبر محمد بخشا قصہ چل سناندا

پنجریاں وچہ پئے تڑندے جاء نہیں مُکیری
پر بچھے، مَر گئے ہوئے ظالم قید لمیری

ایک نسوانی سراپا

چُن وانگن دونوں رخصاے، بندی ناں سنگاے
بندی بندی پھلتی آہی وانگ زُحل ستارے
بتلا لک مٹھی وچہ آوے، آلا مکمن دیہی!
گندے پانی عقیں رب سرجی صورت پاک اجہی
رُوپ انوپ کڑی دا آہا وانگ بہار چمن دے
نویں جوانی حُسن اُرزانی، نازک شاخ شمن دے
سُنبُل والی زنجیری بدھے، چہرہ پھل گلابی!
زنگس مست اُبنے دی پھاڑی، اکھیں مرگ شرابی
جیویں چاندی دی پھلی ہوئے، اینویں نک اوچیرا
چہرے سورج چشتے اندر ہر دم رکھے ڈیرا
لالی دیکھ پیشانی والی، دانع لگے سَکُ لالے
دُند جیہے چبتے دی کلیاں، موتی کرے اُجالے

ٹھوڈی وانگ خجانی سوہنی یہی رس بھری سی
 پتلا اُچا قدر نگلا نازک شاخ ہری سی!
 جادوگر دُورین کڑی دے وچہ کچلے دی دھاری!
 صوفی دیکھ ہودن مستانے، چھڑن شب بیداری
 کالی رات ہوئے رشتائی جے اوہ جلوہ ڈالے
 اکھ کافی ظلماتِ نصردی آبِ حیات پیالے
 زلفاں دے خوشبوئی حلتے تازے کرش دماغاں!
 آدم دیکھ مرن، جیون مرن دے دیکھ تنگ چسپاں
 جے باغاں وچہ داؤ فجدی لوڑ کرے نتے برسوں
 ایسا سندر پھل نہ لہجے بی کی صفائیاں کرساں
 چاندی وانگر رنگ جھستے دا ہوٹھ مٹھے کھنڈ مشری
 مصری سوہنے اس ول تک کے حُسنِ مصر دا وِسی
 ٹھوڑی اک خوبیاں خوبانی، اک میوہ رس والا
 قداک پتلی رنگین نازک شاخ، بکند و بالا
 جادوگر نینوں میں جاری خوش کاجل کی دھاری
 مست ہوں صوفی دیکھ کے جن کو پھوڑیں شب بیداری
 جلوہ اس کا شبِ سیاہ میں روشن ماہ اچھالے
 اُس کی دو آنکھیں چلیکیں آبِ حیات کے پیالے

زلفوں کی خوشبو کے حُصّے کریں دماغ دوانے!
 لوگ فدا ہوتے ہیں جیسے شمعوں پر پروانے
 صبح کو باغ میں بادِ سحر دیکھے، ڈھونڈھے لہرائے
 کسی چمن ایسا سُندر پھول نظر کب آئے؟
 جسم اُس کا جوں چاندی چمکے، لب میٹھے جوں شکم
 مصری محبوباں کے، البیّدے نقش، سے خوش تر

دُکھئے کا غم دُکھیا سمجھے!

جنگل تے کوہ قاف، سمندر کتنے ٹاپو بیلے
 بھگھاں تَساں پالے بھلے تاں بچتے ایہہ ویلے
 نام نشانی، حال حقیقت کھول سُنائیں مینوں!
 درد وِندے، گل کھولے، بردا، دردی سانھی چلتوں
 دُکھیے دی گل دُکھیا سُن دا قیمت قدر پہچانے
 کی دُکھیا جو دُکھیے اُگے دے نہیں دہانے
 بیٹوں دُکھیے نوں دُکھیا بل کے، بہنوں بھر بھر رونا
 سُنکھئے تائیں تک سُنکھیا ایسا خوش نہ ہوندا!
 ماتم دا لے دے گھر ناریں جا مُتہ پئے پاؤں!
 دُکھیا تکتاں دُکھ اپنے پیچھے، با بھج سناؤں

لکڑ اپنے رُکھوں و پھڑی، تار و پھنٹی سُنگوں!
 دونوں زلیاں و سن لگیاں کوک سناون چنگوں
 مشکل والے دے سِر اُتے مردِ یَدوں آ چکا
 زاری سُن کے یاری کُسی، پھوڑ نہ جاسی سُسکا
 بن اُئی جند تیکے تاہیں کوئی جہاں نہ بھلدا
 ڈاہڈے دے ہتھ قلم محمد دس نہیں کجھ چل دا
 اُس سچ دی رحمت اُتے مویاں مِتے سنبھالے
 سِر مُنگے تاں حاضر کرئیے، ہتھیں پکڑ جلا لے
 وانگ شمع دل روشن عشقوں جاں سِر شمع کپیندا
 سِر کپن دا، درد بھلتن بھتیں تُوں زیادہ تھیندا
 دُر یاراں دے مَرنا بہتر اُس بن جیون نالوں
 طرف پُری دے راہ نہ لکھا، اپنی دوڑوں چالوں

خدا کے حضور

کوڑے بندے رُب نہ بھاؤن، یمن زبان نہ رہندا
 گل او ہدی کوئی مَن دا ناہیں، سب جگ جھوٹا کہندا
 قسم کراں میں رب پتھے دی جو عالم دا والی
 جس نے خلقت پیدا کیتی، روزی دے سنبھالی

کیڑے، ہاتھی، چڑیاں، بازیاں سمجھناں وار کھوالا
 ہراک تائیں رزق پہنچا دے کر کے خوب سمجھالا
 دُنیا تے جس پیدا کیتا آدمِ حق، حیواناں
 بھلے بھلیرے، رُوپ بنائے، صورت مند جوناں
 سُبُوہنی صورت نے جس پایا، سُننے دا چککارا
 عاشق دے دل اگ لگائی، سڑوانت لچارا
 مَبُوہاں توں آن سکھائیوس، ناز محول مردِ اراں
 خودی، تکبر، بے پرواہی، تلخ جواب، تروڑاں
 بے وفائی، بے رحمی، اتے قہرِ رستم، بے ترسی
 چند عاشق دا کرن صرفہ کی ہو یا جے مَرسی
 عاشق دے دل اندر پائیوس، عجز نیاز ہزاراں
 خوف، اُمید، سُندر غماں دی مَوجاں یے کناراں
 ترک سکھاں دی، جال دکھاندی سختی جند بدن دی
 دوہاں جہاناں وچہ محمد حرص ہوا سبج دی
 جو یاراں توں یار ملائے سببِ نویں پچھٹ جدائی
 ربِ غریب نواز ہمیشہ، جس دی دھن خُدا دی
 تیرا دھپناہ خُدا یا، ہوو نہیں کجھ سمجھا
 جس دیوے نوں آپوں بالیں، کد کسے عقلیں سمجھا

رات اندھیری، ندی ڈونگھیری، گھمن گھر غماں دی
رُہڑے جانے، غوطے کھاندے، وچہ شمار دماں دی

رموزِ عشق و محبت

آپ شہزادہ چٹا مارے، آپ دُنچھ لگاندا
راتیں دیسہاں خوف ندی داپلک اک اکھ نہ لاند
باہجھ ملاح تری نہ بیڑے، مرواں باہجھ نہ چھڑے
ہویا ملاح اوہ شاہ مصر داکئی رُہڑا کے بیڑے
پونوں دھوبا نام دھرایا کچیم دے سلطانے
چاک کلا لاں داسد وایا عزت بیگ جوانے
کام کر چھڈ گھر درٹریا، مرمے کے جند نیچے
پورن گھر گھر وچہ بھیکہ منگیلندا پال محبت سچے
قیس عرب داراجا آبا بنیا مجنوں جھلا
شیراں تے بگھیاڑاں اندر وچہ پہاڑ اکلا
شہر شریکاں دے گھر دھویا، جنتوں عشق قلندر
رستا کچ سچا دے بڈھی ہر ہر وہڑے اندر
غزلاں جوڑے، تاڑی ماے ناپ کرے سنگ تالا
دیکھ شریک مزاخاں کر دے، بیتہ کڈھن گاہلاں

ایہو کم عشق دے دائم کرے اُجھتے کارے
کی ہو یا جے چھپے ملے سیف ملوک و چارے

رِفاقت اور تعلق داری

اُج زمانے یار کہاؤں، دعویٰ کرن پیاراں
اپنی خیر منگن تے مارن تال دغے دے یاراں
یاری لاؤں، جان بچاؤں کرن عجب بے ترسی
ہک مرے تے دُوجا ہستے، جو مرسی سو مرسی
بھیناں وٹھے سس گنداؤں، ہووَن ویر کھڑا کے
ویر، ویر دی گل نہ پُچھدے مرن لگے نوں جا کے
جے ہک ہووے انباراں والا صاحب دولت زردا
دُوجا کول مرے جے بھکھا نہیں مرّوت کر دا
بھکھیاں ویراں بھیناں تائیں پیریں کاٹھ پوٹھے
عیب گناہ ڈٹھے بن اکھیں، ہتھیں سوٹھے لائے
جھٹھے سپ اٹھویں ہووَن، یا کوئی آفت بھاری
سجّتاں ٹورن آپ نہ جادوں، واہ ایو کی یاری
جے پئی گھر روٹی ہووے دُکھ دُوجے نوں لگے
ہر تہمت بدنامی دے کے چھلی مارن وُگے

پر ایہہ پردہ ظاہر کرنا ناپیں کم فقیروں
 کھری محبت رب محمدؐ ویر نہ بھاؤں ویراں
 ہو جی نہ کرے الہی، ہُن بھی مچلے بھلیرے
 چھڈ انہاں گل محمدؐ قصہ ٹور اگیرے!

ایک جہنمیرے کا منظر

سیو من ہدوانے جیڈے لٹکن پئے قطاراں
 پانی والے گھڑے برابر آہا قد انداں
 ایس موافق میوے سارے پک ہوئے رنگ سوہنے
 سستی واس نہ نیڑے کوئی، کس نے آپے کھوہنے
 ہرہر جانی نہراں وگن رکھاں پانی جائے!
 جیو مکہ باغ اندر ہر پکھے مالی آڑاں لابے
 رنگا رنگ پکھیر و بولن اک بھٹیں اک چنگیرے
 پر اُس ٹاپو اندر آپے طوطے بہت گھنیرے
 رنگ آسمانی، اکھ گمانی، مسٹے بول زبانی
 چبجناں پیراں سُرخ سوہنی، گل وچہ کالی گانی
 اکناں دے سر سوہے ساہو، اکناں رنگ بسنتی!
 اک ساوے، اک سو سن رنگے، طوطے قسم بے انتی

بیل، کوٹن خوش گفتاراں، خرے کرن آوازے

جوڑی جوڑی، بل بل بیٹھیں، نال محبت تازے

ہموں پہاڑی پٹکی بولن، تنقاں تنقاں لا کچہری
سوہے، سارے، چٹے، کالے، تترتری رنگ، سُہری

آپو اپنی بولی اندر آہے ورد کماندے!

اسماں صفتاں نال تمامی مٹھے بول سناندے

پس منظر میں شاعر کا تاثر

واہ خالق بے چوں پکارن، چوں کیتی جس ظاہر

زنگار رنگ پیدائش اُس دی، انت حسابوں باہر

ہکت ہکت دچہ نگاہ او سے دی، روزی نت سُچا ندیا

ہر ہر دی اس قسمت لکھی، لکھیا خطا نہ جاندا

ہکناں اُس اُسے دُرتے، ہکناں تک کمایا

ہکناں بہت کمائیاں کر کے، آخر آن گنوایا

ہک عالم، ہک فاضل سلاں، ہک حافظ، ہک فاری

ہک قاضی، ہک مفتی، بہندے سر دھڑیگڑی بھاری

ہک زاہد، ہک صوفی، مفتی، یزندے پک نمازی

ہکناں روزے دار کہایا، شیخی بے اندازی

یسّخ، شیوخ، مربّی مُرشد، پیر بنے ہک بھارے
 ہکناں طلب بہشت و سخن دی ہک دوزخ ڈرامے
 ہکناں مدھ محبت والا، پتیا پور پیالہ
 مست بیہوش، دتن و چہ کلیاں ناں کچھ ہوش سنبھالا
 ہکناں او گنہار کہایا، پُر تقصیر گناہی
 گل پلا تے گھاہ مونہیں وچہ متھے داغ سیاہی
 چوڑا چکے، ٹھگ، استمتر، جوئے باز، زناہی
 سبھناں اُس تیرے درسائیاں، کرسی کرم الہی
 چوڑی یاری، ٹھکی، موٹا بدن حرام کیاہوں
 کہ کہ توبہ، مڑ مڑ بہناں، مستی چڑھی شرابوں
 سبز لباس فقیراں والا، سرٹوپنی گل آلفی !
 باہر دوتے بھیس اُجالا، اندر کالی کلفی
 ہر صورت دل مائل ہووے غالب نفس ایہہ
 ہر دم تازہ چاہ بُرے دا، کدے نہ ہوندا ایہہ !
 جو جو عیب جگ وچہ بھائے، سبھوہیں در آئے
 کیہڑے کیہڑے، گن گن دساں، انت نہ پایا جائے
 او گنہار، کوچھی، کوہی، لونڈی، لٹ نکاری
 خاوندی خریدی سیٹو دے کے قیمت بھاری

گنجی، کافی، لُولی، دُوری، تیز زبان، چراکی
 بے پرہیز آمیز کراندی، وچہ پلیتی، پاکی

ہے بدنیت پریت نہ پالے، کوڑ زبانوں بولی
 دُھن خاوند جس رُود نہ کیتی، بد اجیہی گولی

خوبی خاوندی کی دُساں، شالا جُگ جُگ جیوے
 حُوراں پُرمیاں اُس پر ڈوگت جیویں پتنگے دیوے!

بُھلیاں بُھلیاں دُ پر کھلیاں نِک رُگڑن وچہ ملیاں
 توشہ پُرت نگاہ نہ کرنا، کچھ پرواہ نہ ولیاں
 میں نکاری او گنہاری، کی مُنہ لے کے جاواں

طلب دیدار ہزارہ کھلو تے کت گن دُرشن پاواں

لیکن اُس نہ توڑاں میں بھی پاس اُنہاں ول جاندی

بڈھی دے ہتھ سُونڑہ اُٹی یوسف مِل کراندی

اُس فرسوت پکے دی اُٹی میں ہتھ تند نہ کچھی

کچھی میری خواہش سائیاں طلب اوہدی سی پچھی

کتنی واری توبہ بھتی میں ہاں بے اعتبار

پھر تیرے دُر توبہ کیتی بخشیں بخشہارا

مُنہ کالا شرمندہ عاصی کی تیرے دُر آداں

مجرم محقق چا محرم کرنا، تیرا فضل سچاواں

حکایت بطریق تمثیل

ہک دن کرن شکار شکاری باری اندر آیا
 آدرخت گھنے دی چھاویں اُس تے ڈیرہ لایا
 نالے باز ہوا یوں اڈدا آ بیٹھا اُس رکھ تے!
 طمعہ لوڑے، ماس نہ چھوڑے، آیا ظالم بھکھ تے
 ہتھ شکاری باز اُتے سی وچہ بیٹھی اک لگھتی
 دشمن دیکھ کہے آج میں بھی چوگ آجن دی چھتی
 ہسٹھوں شست شکاری جوڑے تیر لگھتی نوں لاوا
 اُنوں باز تکے جے اڈے پکڑ مشتابی کھاواں
 لگھتی جدوں اُنہاں ول ڈٹھا کہ دی فکر گھنیرا
 کہندی رہا کیونکہ رکھیں بچن نہیں ہن میرا
 تیر لگن وچہ دیر نہ کوئی، کچھ تدبیر نہ چل دی
 آہی گھڑی ازل دی ایہو وچہ تقدیر ازل دی
 جاں رت رکھن اُتے آیا کی سبب بنایا
 لگھتی دل شکاری تکدا شست دھیان بھر آیا
 پچھوں ناگ چلائے اس نوں دند آلود زہر دے
 تیر چھٹا اوہ لگا بازے دونوں دشمن مردے

لگھی بیٹھی رہی اُتھائیں، چنگی بھلی نروٹی
مارن والے موئے محمد قدرت رب دی ہوئی

دروصفِ جمال

زنگ گلابی، انگ حسابی، چہرہ وانگ متابی
جُستے مقیس خوشبوئی حُتے، اکھیں مُست شرابی
اُچّی لمی، نازک، گوری، نرم چنبے دی ڈالی
ناز انداز تے آن کرشمہ صفت خداوند والی
اُچّا مٹھا بہت کشادہ، جیویں کرزب زاناں
دو بھروٹے جن عیدین دے، یا خمدارہ کماناں
نُسکہ کھنڈ توں مٹھی تالے تنگ موہیں دی موری
کُل کرے ناں خوب آوازہ جھنکے مکمل کٹوری
مقوڑا ہستے تے دل کھستے، اُستے وچہ مٹاں دے
بدرہ گوری ہستے چوری، جیوں کر شرم زناں دے
مٹھا جھکدا وانگ انگاراں اُوپر بندی کالی
جیویں آتش پر، ہرمل دانہ، بد نظراں نوں ٹالی
سچّا صاف لہو وچہ چمڑے، خوب آہا چمکدا
جیوں کر شیشے جلی اندر، چمک شراب مرنڈا
لہ بدرہ خاتون رشتوی کا ایک نسوانی کردار

اُن ادا حُسن دیاں لہراں، شان گمان وڈیرا
 ساری صفت بیان کرن دا، قدر نہیں کچھ میرا
 نین نیناں توں بچ بچ بچ مل دے دوروں دیں دہائی
 نین نیناں دے دوست نالے نیناں نین قصائی
 نین رنگیلے آپ وسیلے، جیلے کرن بقیہ
 آپ وکین دلیل کچھانن، آپ ہی چور لیٹرے
 کالی رات بھجروں اندر، چن کٹھے چکارے
 سیف ملوک شہزادہ ملیا بھل گئے غم سارے
 دُرد منداں دی سنگت رُل کے کون رہے تھوشتالی
 دُرد میرے دا پیا پچھاواں رہیوں نہ دُردوں خالی

وحدت کا دریا

دُنیا ڈاڈھی، دُوقی دشمن، لُوکی لوک فسادِ
 تیجھی دا چا کاں بناون، ہستھوں کچھ زیادِ
 سچوں کوڑ نکھیرن ناہیں، تہمت لان شتابی
 پاکِ پلید پریت نہ لوڑن جوڑن چاءِ خرابی
 سید باقر علی پیارا، دُور گیا دل چاہندا
 جے اس کموں دہلا، ہوندا طرفِ سخن دی جاندا

سید باقر شاہ صاحب مرحوم، میرپور شہر کے ایک قوامی گاؤں گوڑھا کے رہنے والے تھے ان

مطلب دی لکھ گلِ چمک نال کر بیج تیکماں
 کرنے یار اُداس طبیعت رہندا قصہ لَمّاں
 وحدت دے دریا دے اندر چمکی مار ہٹاواں
 مت ایقوں سر باہر کڈھیں، سٹی دھک کچھا ہاں
 ایہہ اسرار نہ پھولیں ایتھے، مت کوئی مار گوائی
 شاہ شمس تے ہکے سخنوں آہی کھل لہائی
 وحدت دے دریا وچہ پینا کم نہیں سر ہر دا
 لکھ جہاز ڈبے تہہ اندر، تختہ باہر نہ نردا
 کاہنوں باطن اندر وڑیوں، ظاہر دی چھڑ بازی
 رمز حقانی وسدا چلتیں پردہ پا مجازی
 ہر بیتے وچہ رمز فقر دی ہے تہہ سمجھ اندر دی
 گل سنا محمد بخشا عاشق تے دلبر دی



بقیہ حاشیہ صفحہ نمبر ۶۹

کا شمار ریاست کشمیر کے ممتاز شخصیتوں میں ہوتا تھا۔ بالخصوص وہ شخصی و جاہت اور غیر معمولی
 شہ زوری کے لیے مشہور تھے۔ آزاد کشمیر کے پہلے جنرل کرنی سید احمد علی شاہ انہی سید باقر شاہ
 کے عائد دے سے تعلق رکھتے تھے۔

دُنیا کی زنگارنگی

ہکناں دے گل سوہنے کرتے، سر بھوجھن، بگے!
 دھڑی سندھور لگے، وچہ شیشے چمک پدی نوں لگے
 ہکناں دے سر سبز دوپٹے، سوسن رنگی، انگی
 گھیرے دار سُتھن چُن لائی، سُرمائی کر رنگی
 ہکناں سُرخ پوشاک تمامی، پیراں تھیں لگ چوٹی
 باغ اندر جویں گاہ ہرے وچہ، ساون ہجج بہوٹی
 ہکناں چھاپے دار پوشاکاں جوڑے نال بناتی
 پیس اٹھاؤن، چال دکھاؤن، کڈھ کڈھ چلن چھاتی
 ہکناں دے سر ساوی چادر، گل وچہ کرتے کالے
 سُتھن چٹکی، سرتے مٹکی ٹرن کبوتر چالے
 نین کٹاراں، بھواں کماتاں، تنگ خنجر بے دستے
 نال سنیاں دے کھوہے گنیاں ہنس کھیڈن رستے
 کندل دار دوڑ لقاں لٹکن بھجیاں نال قلیلاں
 چلن بن کے، جھانجر چھنکے، لٹکے ہار جمیلاں
 کچلے پاوت تے مٹکاؤں، لان داغ تداں دے
 اوہلے بہہ بہہ گاؤں سوہلے ڈھولے گیت دلاں دے

صفت اُوہدی دی گل محمد کس منہ نال اُلاواں
منہ نکاوے گل وڈیری کیکر اکھ سٹاواں

دروصف جمال شاہ پیری

اُچّا قدر، سفید اُپتلا، سرو آزاد بہشتی
یا اُوہ نعل مراد خداوند رحمت کنوں سرشتی
کئیں بُندیاں، داگاں گندیاں کُنج کمواری کاکی
حُوراں دی رنجوراں ہودوں، ویکھ لطافت پاکی
صبحیاں بھیجاں مشکیں رجاں، سیلڑیاں کرڈیاں
پھانیاں عاشق بھٹن کارن، وٹ گلے وچہ سٹیاں
داگاں، مشکوں لاگاں لگیاں جھولن سرمد کا یا
پایا شاخ گلابے تائیں سرپیراں تنک سیا یا
کھ محبوباں دا بیت اللہ دو مخراب اُچیرے
کرن نماز نیازاں عاشق، سجد دین ہو فرے
ہوندے عرق جہازولاں دے لگدا کون کنارے
پُراس وہن محمد بخشا جو ڈبے رب تارے
شیریں شکر نرم آوازہ، رسے بول رنگیلے!
تلخ جواب مٹھے منہ وچوں سن کپیندے بیلے

مٹھا ہاسہ، ماسہ ماسہ، دند نہ کر دی ننگے!
 صاف لئیں تے تیلی گوری گردن، مش کلنگے
 طوطے قمری تالوں سوہنتی، کوئل وانگن بولے
 چھنکے گل کٹوری جیسی، موتی بھر بھر تولے
 ٹور لٹک دی، وانگ کبک دی گردا لک مروڑے
 پب اٹھا مے رُب بچا مے، کچھی تند تر وڑے
 بے سُرور دل دیکھے ساہنوال، بھج بدل وچہ وڑا
 تارا دیکھ ہو چمکارا، ہو بے چارہ بھڑدا
 ٹھٹھم کہ دی دھرتی دھردی، تازک پیر گلابوں
 مہندی رنگے، جیویں پٹ پٹھے، آون شہر خوشابوں
 نویں جوانی، مدھ مستانی، آلی بھولی سادی
 روپ الہی دی اک پتلی دم دم ہووے زیادتی
 کون ہووے تاں خیروں اندر، یار آشنا کہا مے
 دُور مہم پیاں دکھیا مے، چنیا مکتوں بھلا مے
 اک بیڑی تے موہاں مانے دیکھدیاں اک رُہڑدا
 اس رُہڑ مے نوں پھیر لیس ناہیں داجس داسی پُٹیا!
 کاہدا سنگ محبت کیہی، کی یاری اُشنائی!
 مویاں گئیاں تدھ یاد نہ کیئا خوشی عمر لٹھائی

شاخ ہری بھتیں پھل نکالے، پھلے وچوں دانہ
 ہک رنگوں تنے رنگ بنائے آپ حکیم سیانا
 پتھر نوں دے نور جنابوں سورج کر چمکارا
 پانی دے ہک قطرے وچوں عرش مجید بناندا
 سادریاں بھتیں گورے کر دا، گورے وچوں کالا
 بسپ سمندر وچوں، موتی کوہوں، قافوں لالہ
 کرداں بنی کفاراں وچوں سریر تاج ٹکا کے
 مکاں بھتیں شیطان بنائے طوق گلے وچہ پلکے
 دُنیا داروں دے گھر دیندا بیٹے ولی الہی!
 وکیاں دے گھر پیدا کر دامیرے دانگ گناہی
 سوہتی صورت مسر الہی عالم نہ سمجھن سارے
 خاصاں باہجہ محمد بخشا کوں کرے نزارے
 نکوٹ پانی پئی مدھانی، رڑکیں سنج سویرے
 پانی رڑک مدھانی اینویں کہہ کی حاصل تیرے
 ہک ہک کر کے لیندا جاندا جس دیاں ایہہ چیزاں
 رُل بیٹھن دی گھر می عنیمت، پلوگ فراق عزیزاں
 جتنے ساری دُنیا اندر پیت درختاں اُتے
 اتنے سوہتی صورت والے خاک اندر رُل سٹے

یار ملے گا گوشہ جاں میں

ماں میری دی دھی کہا دیں، بھینوں نال سہیلی
 اوکھے دیلے کم نہ آئیں ساڈا وی رب یللی
 عاں بے اخلاصاں اندر خاصاں دی گُل کرنی
 مٹھی کھیر پکا محمد کتیاں اگے دھرنی
 او سے دا احسان مروت، او سے دی وڈیاں
 جس نے قید اولی وچوں ہمت کر چھڑکاں
 او سے توں میں گھول گھائی، دھن اوہ دیر پیارا
 او ہو بابل، او ہو ماہی، او ہو بھائی چارا
 دُوروں آیا، یار ملے گا، جال ہو بہیں اکلا
 رمز حقیقی کہے محمد، پا مجازی پلا
 غفلت غم دی مرض ونجگی لوں لوں رچی شادی
 جس دم کرسی یاد محمد حضرت شہ بغدادی
 واہ وا شاہنشاہ جیلانی منظر ذات ربانی
 سر چھتر محبوبی والا، ولیاں دا سلطانی
 غوثاں، قطباں تے ابدالان قدم جہاندا چاہے
 ننہاں ہر ساں دے موٹے جوائے ایسے کرم کماے

شالا یاد کرے میں بندے میراں صاحب والی
اُوڑے تھیں رب ساون لائے، بہت، سو خوشحالی

آپ اجاڑے شہر دلوں کے

بادشاہاں نوں تختوں سٹے، کرن غریب نماں
تاج غریباں دے سر رکھن واہ محبوب سیانے
آپے لٹن آپے مارن آپے ذبح کہہ بندے!
آپ نوازن محرم کے سر پر تاج دھر بندے

آپے پاڑن آپے سیون، آپنے لا - بھاو
آپے اجاڑن شہر دلاں دے، آپے فیروساو
آپ وکھاو دُکھیے تائیں، آپ کرن غمخواری
آپ حبیب طیب دلاں دے، وار دین آزادی
ٹنڈاں بھر بھر پانی ڈھلن، دانگن دکھیاں نیناں
مڑجاو جوں ٹور بھراواں، گھرول جاو بھکیناں

زہر پیالا عشقے والا، پیتا کس پچایا!
نک وچہ آئے ساس محمد، آس سخن دی تیا
عشق قصائی، چھری دکائی، کوہندا دے دے لتاں
چوہیں گٹھاں علم اوسے دے، کت کت پاسے وٹاں

عاقبت تھیں، بے عقل سدایا بھل گئیاں سب گتیاں
 ننگ ناموس سنبھال محمد دین سیانے گتیاں
 تنہی دل دی اُتے لکھی، صورت نقش سبحن دی
 دھونے دود نہ ہوند ہرگز ڈونگے اکھر من دے

سدانہ یارِ بہاراں

پاسے پاسے چلی جوانی، پاس نہ سدیا یاراں
 ساتھی کون محمد بستھا درد و دُڈے غمخواراں
 مان نہ کر میو روپ گھنے دا وارث کون حسن دا
 سدانہ رہن نشاں ہریاں سدانہ پھل چین دا
 سدانہ رسد بناریں وکسی سدانہ رونق شہراں
 سدانہ موج جوانی والی، سدانہ ندیاں نہراں
 سدانہ تالیش سوج والی، جیویں کر وقت دوپہراں
 بے دفائی رسم محمد، سدا ایہو دچہ دہراں
 سدانہ لاٹ چراغاں والی، سدانہ سوز پنکھاں
 سدا اڈاراں، نال قطاراں، رہن کدن کھنکاں
 سدا نہیں ہتھ مہندی کرتے سدانہ چھنکن ونگاں
 سدانہ چھوپے پا محمد، دل مل بہناں سنگاں

سدا نہیں مرغائیاں بہناں، سدا نہیں سرپانی
 سدا نہ سیٹیاں سیس گنداؤن سدا نہ سُرخ لالی
 لکھ ہزار بہارِ حُسن دی خاکو وچہ سمانی
 لاہ پربت محمدؐ جس تھیں جگ وچہ رہے کہانی
 لگے تشکاری کرے تیاری، بار چرنیدیاں ہرناں
 جو چڑھیا اُس ڈھیناں اوڑک، جو جمیا اُس مرناں
 سدا نہ باغیں بلبس بولے، سدا نہ باغ بہاراں
 سدا نہ حُسن جوانی قائم، سدا نہ صُحبت یاراں
 لوتی لوتی بھرے کڑیئے جے توں بھانڈا بھرناں
 شام پئی بن شام محمدؐ گھر جاندی نے ڈرناں

ابیات کی اکائیاں

سُکی لکھتے آدھریا شوق اندر وچہ آ رہ
 پہلے دُربے عشق محمدؐ رکھ دا شرم مُقرّہ
 کھوٹی کھڑیں، تروٹی کھاسیں سوٹے پسین تالے
 سونان تراماں کرسن جس دن پاکھیلی لگالے
 گھت زنجیر کرن گے قیدی، شاہ عدالت والے
 ڈاہڑے کول محمدؐ بخشا کون کرے آپڑے

چہرے تہ چمکاؤ حسن دی تالیش و دھ انکاراں
 سُندر بدن پھلاں دا دستہ ، دانہ سُرخ اناراں
 گل ناری مکھ تک کے سُورج آن چھپا دے رُسمیں
 یاری لاوے ، پگ وٹاوے ، دوست بنے کھا قسماں
 سوہنی بھنسنی ، سوہنی صورت ، سوہناں قدر رنگیلا
 سوہنا نط اُتے جھنڈ سوہنی خوش آوازہ رسیلا
 مونیہوں ہنس ہنس گلاں کر دی ، اندر گریہ تزاری
 باہروں تاہر تال سیٹیاں دے ، دلوں لگائے یاری
 پیر طیب اسیں سب روگی غفلت مرض لکٹائے
 او سے دے ہتھ دیتے باہاں دیکھ نصف دُکھ جائے
 راجھا تخت ہزارے والا ، مائی باپ کڈ کا!
 بھائیوں دا سردار پیارا چودھریاں دا ٹکّا

باتِ بہاراں

باتِ بہاراں تے گلزاراں بن یاراں کس کاری
 یارِ بے دُکھ جان ہزاراں ، شکستہ پڑھاں لکھ واری
 لمبی رات دھوٹے والی ، پل جھل سکھیاں بھانے
 جو کوئی قیدِ عشق دے اندر قدر اوہو کچھ جانے

اُچھی جائی نیووں لگایا، بنی مصیبت بھاری
 یاراں باہجھ محمد بخشا کون کرے دل داری
 غم بیہتے غمخوار نہ کوئی گن گن دساں کینوں
 جس دے پچھتے کرم گنوا یا، مکھ نہ دستے ملتوں
 بے کج باب مرے دکھ کر دے ہے کی خبر کسے نوں
 سوئیو جانے قدر محمد تن میں لگ دی جس نوں
 ڈھٹے باہجھ پرست لگائی، ہو گیا جس ہونا
 ہنس کھین یاد نہ مینوں، پیا عمر دا رونا
 دلبر اپنا مکھ نہ دکھائے، زخم کو اب کیا دھونا
 دھونی رم لو سا جن کے در جو ہوتا سو ہونا
 نیلو فرنے سورج کی چاہت سے کیا شے پائی
 اڑ اڑ مری چکور محمد چاند بڑا ہر جائی
 بے قدر دوں کی یاری سے کب کس نے کچھ پھل کھایا
 کیکر پر انگور چڑھایا، ہر خوشہ زخایا
 اک تو عشق کا چہر کا ظالم، دوجی کڑی جدائی
 سخت گراں ہے یار کی فرقت، بسنی دور بسائی
 سدا نہ روپ گلاب رُخوں پر سدا نہ باغ بہاراں
 سدا نہ بھولے پھیرے ڈالیں، سدا نہ صورت ہزاراں

چار دنوں کا حُسن جوانی، مان گمان ہزاراں
 دید کو آنکھیں تر سیں کچھ پرواہ نہ یاراں
 رُٹھایا رُٹھایا رُٹھایا میرا، کون وسیلہ ہووے
 لا صیون محبت والا، دانع غماں دادھووے
 چٹا کاغذ داغی ہو یا، پھری سیاہی غم دی
 دکھاں کیتا زور محمد لیئیں خیر اس دم دی
 اینہاں مومنہاں تے مٹی پئے سی خاک نمائی واسہ
 میں مر چکا، تیرے بھانے ابے محمد ہاسہ

سفینہ غزل

حدوں بہت جدائی گزری، یار نہ ٹکھ دکھایا
 رہا میرا یار رن دا وقت نیئیں کیوں آیا
 اگے اس دے مرن شہادت جے دستے اک واری
 نیئیں تے کلیاں وچہ مراں گا، چاء ایہو دل چاہی
 راہ تکیندیاں اکھیں پکیاں، کت پیام سُنیدے
 توں فارغ تے میں افسوسیں ہر دن رین نگھایا
 ناں میں لائق وصل ترے دے نیئیں فراق جھلیندا
 نہ اس راہوں مڑاں کچھا ہاں، نہ تہہ پاس بلایا

دُکھ قضیئے میرے سُن کے ہر اک دادِ دل سُر دا
 تُو نہ لگا سیک محمدؐ، میں تنِ عشقِ جلدایا
 عشقِ محبت تیرے اندر میں مشہورِ جہانی
 راتاں جاگیاں تے نہرِ ساطراں دانگِ چراغِ نورانی
 کالی رات، بھروں اندر نہ کوئی سُکھ سُنہیا
 ناں قاصد نہ کاغذِ رقعہ نہ کوئی گلِ ربّانی
 جاندی چلی بہارِ توشی دی، بھرم ہے گامِ بھوراں
 سدا نہ رہی رنگِ گلّابی، سدا نہ حالِ دیوانی

فردیاتِ غزل

ہر کوئی عیشِ عمرِ دی کردا، آپو اپنی جانی
 دُکھ دُکھیارا، دُکھاں بو ہوگا، دائمِ بجاہِ جدائی
 عاشقِ کاملِ مردِ اللہ دے، خاصے لوگِ حضوری
 ظاہر آکھ سناندے بھائی اوہ گلِ پکی پوری
 دلِ مومنِ دانشیہ بنیا، اک دوٹے دے کارن
 یہ سب سناں عشقِ دی دھریئے خوب ترنگارِ اتارن



حکایت دیوانِ حافظ

جیوں کہ خواجہ حافظ صاحب لکھیا وچہ دیوانے
 اک مجلس میں روندی دھٹی پھڑپا پھل دہانے
 میں پچھیا کیوں روویں بی بی یار تیرا دل ملیا
 درد فراق رہیا پھر کیکہ جد سجن گل ملیا
 بیل بولی، حافظ صاحب کی گل پھلتی مینوں
 اس روون دی حال حقیقت سب کچھ معلوم تینوں
 محبوباں دے جلوے آگے آساں غلامی چائی
 روون پٹن کار ہمیشہ، اُس ساتوں فرمائی
 جنہاں دے دل عشق سمایا، روناں کم انہاں
 دچھڑے روندے روندے روندے ٹر دے راہاں

رنگ کسی کی ذات نہیں

وصل فراق نہیں چیت آنن کامل عشق سنگارے
 محبوباں دا راضی نامہ لوڑن سدا بچارے
 سک سکیندیاں، عمر گزاری مولے یار ملایا!
 سکدا سکدا رجدا ناہیں صورت دا بھرمایا

محبوباں دی صورت اُتے اُدسے دا چمکارا
 عاشق دے دل عشق محمد اوہو سر نیارا
 جو باطن اُس نام محبت ظاہر حُسن کہاوے
 حُسن محبت حرم توڑوں کیوں محرم بٹراوے
 محرم نال ملے جد محرم، انگ ننگ لگاوے
 حُسن عشق اک ذات محمد توڑے کوئی سداوے
 کون کہے نا جنس اتہاں توں اکسے ماں پیو بائے
 راکو ذات اتہاں دی توڑوں، اگوں رنگ وٹائے
 اک کالے اک سبز کبوتر، اک چٹے بن آئے
 چٹے کالے بن محمد ناں بن بہن پراٹے
 حُسن محبت سب ذاتاں تھیں، اچھی ذات نیاری
 ناں ایہہ آبی، تاں ایہہ بادی، ناں خاکی ناں ناری
 حُسن محبت ذات الہی کیا "چب" کیا چمپاری
 عشق بے شرم محمد بخشا پیچھ نہ لاندرا یاری
 چن چکوراں دی کی یاری تک تنگ ہونکہ دل خوش
 شمع پلنگاں دی کی نسبت اوہ کیڑے اوہ آتش
 بیلک تالے گلے آشنائی، خاویں مول نہ ڈردی
 جنس کجنس محمد کتھے عاشق تے دلبر دی!

یاری عمر سنواری میری، آپ پریت نہ ہاری
جس تیلے سنگ تیلی آہی، اوہو نماز گزاری
لے لیا جو لیناں آہا لکھیا وچہ نصیبیاں
بے پرواہ ہاں تال محمد زور نہ آساں تعریباں
لوں لوں اندر توں ہی توں ہیں، دل بھی تیرا خانہ
جس دم دا توں ملیا بیلی کیتا لکھ شکرا نہ
بس میرا کجھ وس نہ چلدا کی تسا ڈا کھوناں
لستے دا کی زور محمد نس جاناں یا روناں
رَب تبکیر بھاوے ناہیں، چور کرے مغروراں
جادوگر آسمان چروکا لاہ چیکا کئی اوہراں
ڈیرے تیرے دے چوہیرے کی کم چوکیں داراں
آہ مری دے یلن اُلنئے رکھن چاتن لاٹاں
رکھ دلیری، کریں نہ جھورا، مت قوت گھٹ جائے
مرداں دے سربن قہینے، اورک پوہتیس جائے
جھورا فکر گھٹا ندا، قوت تالے نور عقل دا
تدھ پر کم آجے کئی بھارے، ہار نہ جائیں چل دا
باز ہوا تے اڈن والا جدوں پٹی وچہ اڑ دا!
تسے کوہاں دی تار دی کردا، آن منجی دے چڑھ دا

مرداں دا کر جگر ادایا، ہسٹ مول نہ جاییں
 عشقوں لکھ بلائیں پیارے، ہرگز خوف نہ کھائیں
 ہائے ہائے باز قصا قدر دے ادبلی کو توج اڈاویں
 اپن چیت محمد بخشا پکڑ کھڑی وچکاروں!
 شان انسان جوان بھلے دا، نکلاں اگے
 کھول نہیں ایہہ گل محمد، موت کوئی بھگڑا لگے
 سچے عشق اوتہاں دے اندر پادتیاں تاثیراں
 معشوقاں دے پتھر دل نوں چور کرن سنگ تیراں
 سرنامے دانام او سے دا جو دیندا انعاماں
 روز بہ روز پہنچائے روزی کیا خاصاں کیا عاماں
 چمٹی چادر داغ لگیسی شہرت تے بدنائیں
 گھر گھر اندر قصہ پوسی، لکھیں، شہر، گرائیں
 پیو داوے دانام لگیسی دشمن خوشیاں کہ سن
 ساک شریک مرلیق تاڑی غم فوں مول نہ ڈرسن



مٹی سے رس کون اٹھائے

وا، جھٹے تان پتر پائے اتالے ستے دانے
 چوٹے رس زمین پر ڈھکی کٹ گن گھٹے لانے
 کالی بھورا استثنائی کر دے بٹن پھلداں دے تائیں
 ایک ڈٹھا، پھر دو بے ترتیبے لیندے پھرن ہوائیں
 یاری سیر پٹنگاں والی، شمع بلی اچھٹے
 فیرنہ کدھرے جاوے جو گے، لاٹ اندر سڑھٹے
 آسے آسے عمر گزاری، جھٹے خار ہزاراں
 مالی باغ نہ دیکھن دیندا، آٹیاں جیوں بہاراں
 روڑا قہر قلور سرے تے سردی بیچ لایا
 گرے گوریا کھیت محمد جس دن ساون آیا

نبیوں کا سرتاج

احمد مرسل ختم نبیاں دو جگ دی جس شاہی
 صلی اللہ علیہ وسلم ہوگ جیبٹ الہی
 مکی، مدنی، قرشی، حبلی، باعث خلق تمامان!
 آل اولاد سمیت انہاں تے ہوں درود سلام

نبیاں داسر تاج ہوئے گا آخر وچہ زمانے !
 نام محمدؐ عربی جمسی عبداللہ دے خانے
 جاں دُنیا نے پیدا ہوسی بھجسی کفر کفار اں
 کسری دے گھر کسر پوے گی کنبن کوہ دیوار اں
 عالم تے روشنائی ہوسی نور ہدایت کو لوں
 جمل جہاں ہوئے گا تازہ عدل رعایت کو لوں
 غفلت، جہل ہتیرے جاسن، شمس شریعت چڑھسی
 کھلسن راہ طریقت والے، ہر کوئی اندر وڑسی
 دُوس سی شہر حقیقت والا جاسی ظلم مجازی
 معرفت بازار محمدؐ رونق لاسی تہا زری !
 اُوہ محبوب الہی خاصہ سُر افسر لولا کی !
 قدم مبارک اُس دے چمن توری، ناری، خاکی
 سائے اوس دے سیٹھ ہودن گے دھڑا بزرگ سارے
 سایہ نال شریک نہ ہوسی توری بدن پیالے
 لکھ یوسف اس وال نہ جیہا ہوگ جہان اُجیہا !
 دِن دِن رُوپ زیادہ چڑھسی کدے نہ نقیبی بیہا
 حُور قرشتے عاشق ہو سن صورت ویکھ پیاری !
 سب بھتس بے پرواہ ہو دے گا نال کُتے دی یاری

سُورج ساٹوں مُول تہ نکسی، سیس نوا کے چل سی
 بدلی وچہرہ ہے گا چھپیا، ہرگز جہاں نہ جھلسی
 اللہ اُس نوں کول بلاسی، عرشوں چاٹڑا گیرے
 یاراں ہار کلام کرے گا، تم میرے، ہم تیرے

مکتے داغ غلامی والا، چودہ دا چن لاسی
 آہلسی دوکڑے لے کے خدمت گار کہا سی
 کرسی عرش تہ لوح قلم سی، ناں سُورج، چن تارے
 تاں بھی تور محمد والا دیتا سی چمکارے

اول آخر نیک جہاں دا شان نہ مقیندا یہا
 صلی اللہ علیہ وسلم دھن جلیب اجیہا
 باغ بہار ہو سی کل عالم، کوس سی رحمت یاراں
 شہید پیدائش اُس نعمت دی کر سن شکر ہزاراں

جو کوئی تابعداری چاسی، سو مقبول ہووے گا
 جو منکر اس پاک جناں سو مقبول ہووے گا

اللہ پاس بلاٹے اپنے عرش بری پر ڈیرا
 مثل مہمان باہم باتیں تو میرا، نیں تیرا

چاند حضور کا چاکر، رخ پر خدمت کا پروانہ
 اپنا بدن دوکڑے کر کے پیش کیا نذرانہ

کہی و عرش نہ لوح و قلم نے سُورج، چاند، تارے
 جب بھی نورِ ذاتِ محمد چمک چمک جھلکا رہے
 اول آخر تک رخشندہ، حکمِ جس کی شاہی
 صلی اللہ علیہ وسلم دھن محبوب الہی
 بانغ میں جھوم بہاویں آئیں، برسی رحمتِ باراں
 اُس کی شجرہ پیدائش، نعمت شکوہ لاکھ ہزاراں
 بندے کی تو قیر، بزرگی، اُس کی تابعداری
 جو مُنکد اس پاک جناب کا، اس کا تقدّر خواراں

حُبِ اُس کا مدھ ماتا

دو ہیں جہانیں نامی کہ اُسی چارے یار پیار نے
 پہنچ جیسے اک جتدوں ہو سن رحمت نال سنوارے
 اک صدیق، اک عادل ہو سی اک سچی لکھ دانا
 پو تھا شاہِ مردان ہو سی نال عشقِ مدھ ماتا
 غالب شیر اللہ دا ہو سی بھائی پاک نبی دا
 گنتر وچہ نہ آوے ہرگز رتبہ شاہِ علی دا!
 نام اُدھاسن زور گھٹے گا، دیوان تے عفرتیاں
 نعرہ سن کہ گریں فصیلیں پوسی بھانج پلپتیاں

چوٹ اوہدی، کوئی کوٹ نہ جھلسی دشمن ملن منجا
 نئے رسم لکھ بہمن ثانی، جھل نہ سکے پنج
 زور اوہدا کوئی ہو نہ جھلسی فتحیا ہر میدانوں
 دین اسلام کرے پکا کدھسی کفر جہانوں
 زمیاں تے اسماناں اُتے نوبت اس دی کھر سی
 خوراں ملک نقیب ہوں گے جس پاس اٹھ ٹر سی
 حیدر صفدر شیر بہادر، شاہ دلیر سپاہی
 تے سورج بھتیجی روشن ہو سی کہ سی دور سپاہی

جو کرنا سو بھرتا

مارن لکے شیر دُنبے نوں، گدگ کرے آپرالا
 بے چڑی دارا کھابن کے بائسنگ ناگ ڈنگالا
 کی ہو یا بے چہرہ ساڈا ہو گیا مرداواں
 جس کی نیت مرداواں والی، سو یو مرد سپاہی
 اینہاں گلاں بھتیجی کیہ لکھدا عیب کسے دے کرناں
 اپنا آپ سنبھال محمد جو کرناں سو کرناں
 رستے اُتے زور لگاؤن کم نہ زور آور دا
 مویاں ہو یاں نوں پھر کی ماریں بے انصافا مردا

طعنے لوگ دیوے گا سارا کچرک اندر وڑسیں
 بے وفا کہے گی خلقت کس کس دامنہ پھڑسیں؟
 دُکھ سدا اُسکے گاہ بگاہاں، دُکھاں تُوں اُسکے وارے
 دُکھ قبول محمدؐ بخشا، راضی رہن پیارے

حُسنِ جمال تیرا کس کا ری، عاشق سدا مَرسی
 جاں دیدے نابینے ہوئے، پھر سُرمر کی کرسی
 دُنبہ جاں یگھیاڑاں کھا ہدا، آجڑیاں کیہ کہناں
 کانگے نہیں گھراں دی پُٹی، کس اُتے پھت دھراں

جاں کھیتی دا لکھ نہ رہیا ناں اُسکا نہ ہریا
 کس کم دھپ پکا دن والی، کس کم بادل و رہیا
 کون سُسے تے کیہڑا پکھے جے تے کمرے کھارا
 صبروں باہجھ علاج نہ کوئی صبرے بے چارا

تینوں رب بھلیائی دتی مندے روتہ ہٹاویں
 سخت بخنیں کسے دے ہوون، طائع نیک وٹاویں
 چائن تیرا رات اندھیاروں کردا خوب اُجالے
 فقرا مند تیرے مقیم ہونڈ طائع دولت والے

لطف سخاوت کم ہمیشہ سرداراں دی خوبی
 کہ کھاں لطف میری ہن بڑی لانبھے کڈھ ایہہ ڈوبی

یہ تقریب شادی

ناں ایہہ پریاں محاکوں خاکی آدم پاک نہ ناروں
 مڈھوں اکو جنس محمد فرق پیٹے وچکاروں
 اگ جنہاں وچہ پئی نہ یادہ ناری اُنہاں کہایا
 خاک جنہاں وچہ داقر آئی، خاکی نام دھرایا
 ہر ہر سامی چنبے ڈالی پھٹیاں جھولن آئی
 کلی چنبے دی پھل روہلی ہر ہر چھٹی بنائی
 سرسہ مہندی تے تل وٹنا عطر پھیل لیا نیانی
 پھل گلاب پروتے مہر اگندہ روہلی لیا نیانی
 اٹھ دے بنیا جاگ سویلے بھٹ سر اُتے چیرا
 والیں تیل پھیل ملائیں آکھیں سرسہ ویرا

نام تیرا سرنامہ

نام وراں دیا ناناں اُتے نام تیرا سرناماں
 کئیہ تیری وچہ راہ نہ پایا، کیا خاصاں کیا عامان
 علم تیرا ہے پڑھتوں اگے کسے نہ پڑھیا سارا
 ہے دریا اجماں تیرے دابے حدانت شمارا

تو مقصوداں دے در کھولیں، دیویں آپ مُراداں
 اُچے ہُندھے، اُچے کیتے شاد کریں شاداں
 لہذا چڑھدا، دکھن، پریت ہمد نہاں اُچا ناں
 زور تیرے دے اُگے تہا، ہراک ہے ترانا
 بودائش ورا کھیں والا، ونج تیرے دا بہتا
 اُتھاں ڈورا ہو یا شتابی، جس دھوس جا بہتا
 جو کتے تیرے در اُتے اونہاں داتاں پا کاں
 تینوں جس پچھاتا ناہیں، سراس دے فے خاکاں
 مسٹ نہ ملینوں عاجز ہو یوس، ہُندھ بن کون غریباں
 رحمت کنوں وانج نہ مو لے چاد توار نصیبیاں
 مینہ و سا عنایت والا کالکھ ساری دھو دے
 کالی رات قبری میری جھبہ دے روشن ہو دے
 آوے نیک دہاڑا میرا چھڈن۔ سخت بہانے
 جس دم نظر کم دی ہو دے، آون بھلے زمانے
 صبر کریں نا امید نہ ہو ویں پاسیں آجر جہانوں
 مٹھے کم ہوون رحمانی، بہتر کار شتابوں



رُوح کو جسم کا جامہ

مظلوماں دا ہتھ نہ پکڑے جے کر عدل شاہا
روزہ حشر دے شاہ پو پھیلیں کر سیں کی بہانہ
جھولی پا انگار محمد کوئی بچا نہ سکے
عشقاں مشکاں تے دریاواں کون چھپائے ڈکے

اول نام اربے دا لکھاں، نالے دا سرنامہ
ننگا رُوح بندے دا کجیوس بخش جسے واجامہ
ہر دانش تھیں بحرِ اد توں نالے دین ایمانوں
روزی دیندا حل کریندا، مشکل سخت کمانوں
آسماناں دی رونق کر دا، روشن تارے لاکے
دھرتی آدم تال سہاڑے، آدم نوں حب پا کے

دانا بلینا زور آوراے، نالے بخشہارا
ہر آدم مدد روحاں توں دیندا عقل نوں چکارا
نالے روون نالے گاؤں، ساجن گھراٹھ چلے
گھڑی سویرے کیوں نہ آئے، تاہیں پڑے اکھلے

پھلاں کارن جھول کھلاری اگوں پئے انگارے
ایا گھروں سہاگ کھڑیا بھاگ تہتی دے ہارے

جو چاہے سو کر دا آپے کوئی نہ حاکم اس دا
 جان دیئے تاں زندہ بندہ کڈھ لئیے تاں کس دا
 پتھر نال ٹھکور نہ شبیشہ کی کر بیس کھٹی
 لے لے اگ نہ آدھکانے، دارو گردی ہٹی

ایویں کیوں مَول نہ جانو نہت دا پھیر آسمانی!
 پڑھدے تارے تے مڑ لہندے دائم سرگردانی
 کھید متا شے کارن ناہیں ویلے تنبو تانے!
 اک دھاگہ بے کار نہ اس دا، کون حکمت پر جانے

کس نوں خیر ہوئے گا بھلکے کی اسان سنگ کارا
 کون اکھیں بھتیں اوہلے ہو سی کس دامت پیارا
 کس گھر دین سیا پے ہو سن کس گھر منگل سوہلے
 کس سر تاج ٹکے کس منہ نوں کرن مٹی دے اوہلے
 کس گھر دا تخت ولایت کھس سی، ملیں خستہ حالی
 کس دی قیدوں ہوگ خلاصی، دنج کر سی خوشحالی

کون رنڈی کون تتی ہو سی منہ سر سبھی پاسی
 کس دا کنت سہاگ ملے گا دھڑی سندھو رگاسی

کس کس اندر لوگ وچھوڑا، کون ملے گا مڑ کے
 کیہڑے کیہڑے یار محمد بھلکے بہت بھڑکے

اَدل صفت تَنار بے دِی، شکر الحمد لکھا یثے
 کرم اوہدے دِی حد نہ کائی رحمت اُنّت نہ پائیثے
 دُور کرے سب زحمت جس دم مہرتے اُوے سائیں
 لکھ مَناں دِی دھوپلینتی پاک کرے کل جائیں
 سکے وہن کریندا جاری کھیت نہاوت نہراں
 گرم ہزار بچا دے رونق اُجڑے بچھڑے شہراں
 روگی بدن درست کریندا، دے اُتھیاں روٹنیاں
 گئے گوائے پُت پیارے وقت ملا دے مائیاں
 وہ مارے جائے باغاں باراں نال سنوارے
 سبک دے رُوح محمد بخشا میلے یار پیارے
 جاں میلے دا ویلا ہووے، ملن لگے دو جانی
 ساعت صبر نہیں کر سکدے جیویں تَسا تک پانی
 دِھیّاں جے سودولت رِجیاں، سو بھن نہ گھر پیکے
 ساہویریاں دل رخصت کریئے جو سراوے دے کے
 چٹکی، تارڑی، تال ترانہ، مجرا ٹھاٹھ شہانہ
 لکھاں وچہ حُسن دا چائن پھریا نیک زمانہ
 سُن مرنی دِی لکڑی کولوں دود و چھوڑا رکھ دا
 سبوتاں دا ایہہ حال محمد کہو کی حال منگھ دا

آئین جہاں بانی

بھیدیاں تے بگھیڑ اکٹھے پھر دے وچہ اُجاڑاں
 کوئی کسے نوں چھیڑ نہ سکے، عدل چکایاں واڑاں
 میسلی نظرے دیکھ نہ سکے، باز کبود تر تائیں
 پتھن تے رُل پاتی پندے شیر بر تے گائیں
 جس جس کم دے لائق کوئی تہس تہس کم تے لایا
 دانشمنداں، لائق داداں پایا عالی پایا
 پہو دادے دے کسب ہنر متیں ہر کوئی کرے کمایاں
 دھارو وارو، کرن مزدوری چور کبندے لائیاں
 ملکاں اندر خوشیاں خوشیاں دیندا جگ دُعائیں
 نفل اللہ اساڈے سر تے رہے قیامت تائیں
 ظلم مستم دا پٹ گنوا یا جس نے تخم زمینوں
 عالم اُتے دیلوا بلیا صدق اسلاموں دیتوں
 ننگہ درس لو ائے شہریں راہاں وچہ سبیلوں
 اس متداں دی آس پوہا وے پچھتے شاہ دلیلاں
 مٹھپ کتاب غماں دی دتی شادی دفتر پھولے
 جیوں کے تیوں اقبال حکومت پمیں نہ دتے روئے

پلنگھاں بہت ہولار چڑھیاں ترڑ زمین تے جھڑیاں
کڑیاں پھرنہ مڑیاں پکے ساہوریاں جھک کھڑیاں

شکایات زمانہ بطریق عاشقانہ

دُم دم فکدہ غماں دِچہ مریئے کر خفگی دِل تنگوں
کیکہ ہوگ بچا اساڈا، ظالم شیر پلنگوں
جس پاسے اُشتائی کریئے پکا لایرانہ
اوڑک پوے وچھوڑا اس بھتس کر کے کوئی بہانہ
اپنا آپ نہ نال بنا ہو، کی سنگ گرگ بگنانہ
سبجہ جگ فانی ہوگ محمد کت ول گیا زمانہ
ماتم سوگ، غمی جگ سارا دیکھو کون سکھایا
جے کوئی سکھ سکھالا دِسدا سو بھی ہے دکھ والا
اک گھڑی دے سکھ دا بدلا، کتنے روز کشالا
رُت بسنت محمد بخشا دیکھو چمن اُجالا
خمرے، کوئی کو کو کر دے، کیسی کوگ مناندے
کھتھ سکھ محمد بخشا بھرے جہان دکھاں دے
سوگی بھورو جاون تاراں، گاؤں سوز ہزاراں
خوش سوئی جس چٹ نہ لایا وچہ اینہاں گلزاراں

کتنا فکر فراق سجن دے، پتاں دا مکھ پیلا
 ننکا تر بنتر ہو کھلوتا، بجر کنوں رنگ نیلا
 ننکی شاخ، کنکال۔ بچاری، لٹی جویں سپاہی
 کھر کھر کر دے پت محمدؐ، چلے وطن پھڈراہی
 وقت بہاروں، ادھ نم ناک، وقت خزاں ایہہ رولدا
 کدوں ہوئے گا، دُنیا اُتے سکھ میرے مقبولاً؟
 ہر دم کو پچ نقادہ سرتے کھر دا پیا سُنیدا
 سانخی ٹردے جائد دسدے کیوں کر سکھ دسیندا

اپنے اپنے ماتھے کی چھب

آپوا اپنے بول آوازے، کوئی نہ کسے جیسا
 ہکناں دائیں مراں موتی، ہکناں دھبیل پسیہ
 جیسا جیسا دان کسے نوں دیتا بخشہاے
 سوئیو ورتن ہوندا بھائی، دیتا کون اُدھاے
 جو جو چیز ہستی دِ چہر ہوسی، سو کڈھتی بجاے
 ہک بجاے موتی دِ بچن ہک منکے کچکارے
 سُخن کسے دے ہرے موتی، کوئی جواہر لعلان
 ہک دیوے ہک شمع محمدؐ ہک مانند مثالاں!

سوہنا متھا دیکھ کسے دا مندا نہ بھن کرنا
 کہہ کی دیساں تده کنکالا، جو جڑیا سو دھرنا
 اگے سخی بتیرے ہوئے شاعر چنگ چنگیرے
 نیکے وڈے محمد بخشا میں بھلیں سب اچیرے
 شاعر بہت پنجاب زمین دے ہوئے دانش والے
 کافی باران ماہ جنہاں دے دوہڑے بیت اُجائے
 اول شیخ فرید شکر گنج عارف اہل ولایت
 ہک ہک سُخن زبان اوہدی دار ہیر راہ ہدایت
 پھر سلطان باہو ہک ہو یا خاصہ مرد حقانی
 دوہڑے پاک زبان اوہدی دے روشن دویں جہانی
 بھلے شاہ دی کافی سُن کے تڑپٹ دا کفر اندر دا
 وحدت دے دریا دے اندر اوہ بھی وتیا تر دا
 سیدک خاص سُخن دا ہو یا دوئی چندر زادہ
 بازی جیت سُخن دی اُس بھی کہے گیت زیادہ
 وارث شاہ سُخن دا وارث تندرے کون او نہاں ٹوں
 حرف اوہدے تے اُسک دھرتی نہیں قدر اسالوں
 جیہڑی اس چہڑی آکھی، بے کوئی سمجھے ساری
 ہک ہک سُخن اندر خوشبوئیں وانگ پھلاں دی کھاری

شاہ مراد چنے دے کھٹے سُخن مُراداں والے
محبوبیاں دے جھنڈ لہاؤن واہ مُستاں دے چالے

مصرعے اندر جڑیا ہو سی جیویں تھیوا وچہ چھاپے!
جے کوئی ڈونگی نظروں ویچھے بیتوں بیت سہاپے

شاعر نام دھراون لائق قدر نہیں کچ میرا

اوہ کھتیاں دے سائیں میرا کھل بنے پر پھیرا

گڈی دھٹّا پھکّا چُنکّا پن پن ٹوپا دھڑی
بار بھراواں دی کہ خاطر نیں بھی کھچڑی چاٹری

جو دتا سو دتا مینوں کسے دیون والے

بھانویں رکھا بھانویں تھندا بھانویں چرب نوالے

جگ جگ جیون دیون والا جس ایہہ کرم کماٹے!

اندر میرے باغ سُخن دے دھن مائی جس جلے

کدھر شور زمین نکاری، آہی وانگ خواہیاں

آگ تے بہہ کد پال نہ سکدی لائق کدن گلاباں

ہلیا مائی، بنیا والی، رحمت پالی لائیوس

کدھر وچہ محمدؐ بخشتا، یاغ بہار بنائیوس



سُختے چند درخاتمہ کتاب

مختوڑی بات کتاباں اندر بُہتی آپ بتائی
ایک آپ بناوے عاجز سُبھو ذات خدائی

کرماں نال پروتا سارا، چاہیں سمجھن ہارے
ہمت اُگے مشکل آساں ہمت مُرد نہ ہارے

اُسے ہکے مصرعے اندر غرض قصّے دی ساری
جوڈھوڈھے سوپائے بھائی مفت نہیں پر یاری

تافیاں دے فکر اندر سی دل چننا وچہ بھڑ دا
کم لٹاتے پتہ نہ کوئی موت تقارہ گھر دا

ناول پھیں کم سادہ کیبا، چھڑیاں بہت رُسواں
چیت اُداس، جمعیت مختوڑی نال کول ہنجواں

شالا وانگ گلاں دے اس وچہ سدا دہے خوشبوئی
سچیاں مُرداں دی سنگ برکت کعب نہ لگوس کوئی

جاں باغوں پھل چُن چُن سُنکھو، کلفی ہار بناؤ
جس لایا ایہہ باغ اوہتوں بھی یاد دِلوں فرماؤ

ہور کسے کچھ عمل ہوئے گا، بد عملی ہتھ میرے
ہے مسکین نوازہ خدایا، کرم نیاے تیرے

جگتوں باہر پاپ کمائے، لا فقر دے جاے!
 نوں سچا یں جھوٹا رہا، کیا لیکھا، کیا ناے
 میں عیاں وچہ عمر گنوائی کر کر کاغذ کالے
 پھر اُمید نہ تروڑی رہا دیکھ کرم دے چالے
 مُرشد دا احسان مرے تے ساریے محنتا جاں
 اوہ رکھوالا سدا محمد اُو سے نوں سبھ لا جاں









ہماری چند اہم مطبوعات

کشف الحجب

کلیات ساغر (کارڈ کور)

قانون شریعت

کلام باہو

تذکرہ غوثیہ

کلام میاں محمد بخش

قصص الانبیاء (مجلد)

کلام پلے شاہ

قصص الانبیاء (کارڈ کور)

کلام بابا فرید

تذکرۃ الاولیاء (مجلد)

کلام وارث شاہ

جنتی زیور

تعبیر الرویاء (کلاں)

سیرت المصطفیٰ

احکام شریعت

آئینہ عملیات

سیر الصحابیات معہ اسوہ الصحابیات

دیوان غالب (مجلد)

سیرت عائشہ

خزینہ عملیات

سیرت رسول عربی

کلیات ساغر (مجلد)

تحفہ خواتین

اسلامی کتب خانہ

فضل الہی مارکیٹ ○ اردو بازار ○ لاہور

Maktabah.org

This book has been digitized by www.maktabah.org.

Maktabah.org does not hold the copyrights of this book. All the copyrights are held by the copyright holders, as mentioned in the book.

Digitized by Maktabah.org, 2011

Files hosted at Internet Archive [www.archive.org]

We accept donations solely for the purpose of digitizing valuable and rare Islamic books and making them easily accessible through the Internet. If you like this cause and can afford to donate a little money, you can do so through Paypal. Send the money to ghaffari@maktabah.org, or go to the website and click the Donate link at the top.

www.maktabah.org